



資治通鑑綱目

正編 四十一

內閣文庫			
番號	漢	1837	
冊數	107 (60)		
函號	別	6	1





資治通鑑綱目卷之四十一

明 史官陳仁錫評閱

起壬戌唐高宗龍朔二年○凡三十五年
盡丙申唐中宗嗣聖十三年

壬戌 二年春正月改百官名

以門下省為東臺、中書省為西臺、尚書省為中臺、侍中為左相、中書令為右相、僕射為匡政、左右丞為肅儀、尚書為太常伯、侍郎為少常伯、其餘並以義訓更其名而職任如故

任雅相卒于軍蘇定方引軍還

任雅相公

通鑑綱目卷四十一

雅相為將未嘗奏親戚故吏從軍皆移所司補授謂人曰官無大小皆國家公器豈可便私由是軍中賞罰皆平人服其公至是卒會沃沮道總管龐孝泰敗死蘇定方圍平壤久不下引

集覽

沃沮東夷國名在高麗蓋馬大山之東沃烏酷反沮千餘反

質實

平壤城名注見隋煬帝大業八年

書法

劉方卒于師不書官貶也此其貶與雅相賢將也去年遣征高麗書兵部

尚書矣於是不書官蒙上文也

三月鄭仁泰等敗鐵勒於天山

仁貴殘虐

鐵勒九姓聞鄭仁泰至合眾十餘萬以拒之選驍健者數十人挑戰薛仁貴發三矢殺三人餘皆下馬請降仁貴悉坑之度磧北擊其軍三箭定天山壯士長歌入漢關思結多濫葛等部落先保天山聞之皆降仁泰等縱兵擊之掠其家虜相率遠遁仁泰將輕騎赴之踰大磧至仙萼河不見虜糧盡而還值大雪士卒饑凍人自相食北入塞餘兵纔八百人司憲大夫楊德喬劾奏仁泰誅殺已降使虜逃散不計資糧棄甲資寇詔皆釋之以契苾何力為鐵勒道安撫使安輯餘眾何力簡精騎五百馳入九姓中謂曰國家知汝皆脇從赦汝之罪罪在酋長得之則已其部落大喜

通鑑綱目

卷四十一 唐高宗龍朔二年

二

正編

共執其葉護等以授何力何力斬之九姓遂定

集覽

鐵勒九姓鐵勒即敕勒注見宋

文帝元嘉七年九姓者曰藥羅葛曰胡咄葛曰崛羅勿曰貂歌息紇曰阿勿啗曰葛薩曰

解唱素曰藥勿葛曰溪邪勿

質實

挑戰注見漢王邦四

年天山注見漢武帝元朔三年祁連又外夷火州交河城北一名祁連山唐天山縣以此

為名漢關即玉門關注見漢武帝元鼎二年天磧柔然地名注見梁武帝普通二年契苾

何力鐵勒莫賀可汗之孫酋長注見漢帝玄更始二年

夏五月以許圜師為左丞相○秋七月熊津都

督劉仁願等大破百濟於熊津

初蘇定方既平百濟留郎將劉仁願鎮守以王文度為熊津都督撫其餘眾文度卒百濟

故將福信聚眾據周留城迎故王子豐立之引兵圍仁願時劉仁軌坐罪白衣從軍詔以

為帶方州刺史將文度之眾發新羅兵以救仁願仁軌請唐曆及廟諱而行曰吾欲掃平

東夷頒大唐正朔於海表仁軌御軍嚴整轉鬪而前所向皆克新羅糧盡引還福信招集

徒眾其勢益張仁軌眾少與仁願合軍休息士卒會平壤軍還救仁願等西歸仁軌以為

如此則百濟餘燼不日更興高麗連寇何時可滅乃守便宜乘百濟無備帥眾破之拔其

善兵

通鑑綱目 卷四十一 唐高宗龍朔二年 三 正編

數城奏請益兵、詔發淄青萊海之兵七千人赴之、福信專權、與百濟王豐浸相猜忌、豐殺福信、遣使詣高麗、倭國乞師以拒唐兵、

集覽

倭國倭烏禾反、女王國名、漢地志樂

浪海中有倭人、分百餘國、在帶方東南大海中、依山島為國、渡海千里、復有國皆倭種、唐東夷傳、日本國古倭奴也、去京師萬四千里、其俗男少女多、小島五十餘所、皆自名國、

質實

百濟東夷國名、注見太宗貞觀十四年、熊津都督、注見上年、帶方州、注見晉惠

帝元康元年、新羅東夷國名、注見漢武帝元封二年、朝鮮、淄青萊海、四州名、淄、注見宋明帝泰始三年、盤陽、青、注見漢桓帝永康元年、萊、注見漢安帝永初二年、東萊海、注見晉孝

武帝太元二年、臨海、高麗、東夷國名、注見漢武帝元封二年、朝鮮、一統志云、倭國、即古之

倭奴國、其地東西南北各數千里、西南至海、東北隅、隔以大山、國王以王為姓、歷世不易、文武僚吏皆世官、其地有五畿七道、以州統郡、附庸國凡百餘、自北岸去、拘邪、韓國七千

里、曰對海國、又南渡一海、千餘里、曰瀚海國、又渡一海、千餘里、曰末盧國、東南陸行五百

里、曰尹都國、又東南百里、曰奴國、又東百里、曰不彌國、又南水行二十日、曰投馬國、又南水行十日、陸行一月、曰邪馬一國、其次曰斯焉國、曰已百支國、曰伊邪國、曰郡支國、曰彌奴國、曰好古都國、曰不呼國、曰姐奴國、曰對蘇國、曰蘇奴國、曰呼邑國、曰華奴、蘇奴國曰

鬼國曰為吾國曰鬼奴國曰邪焉國曰躬臣國曰巴利國曰支惟國曰烏奴國皆倭王境界所盡其國小者百里大不過五百里戶少者千餘多不過一二萬自漢武帝滅朝鮮使驛通於漢者三十許國皆稱王其大倭王居邪焉臺國即邪摩維是已光武中元初始來朝貢後國亂國人立其女子曰卑彌呼為王其宗女壹與繼之後復立男王並受中國爵命歷魏晉宋隋皆來貢稍習夏音唐咸亨初惡倭名更號日本自以其國近日所出故名或云日本乃小國為倭所併故冒其號開元貞元中其使有願留中國授經肄業者久乃請還宋雍熙後累來朝貢熙寧以後來者皆僧也元初遣使招諭不至命范文虎等率兵

十萬征之至五龍山暴風破舟敗績終元之世使竟不至本朝初國王良懷遣使臣僧祖朝貢其後數歲一來至今不絕自永樂以來其國王嗣立皆受朝廷冊封

八月以許敬宗同三品○冬十月以上官儀同

三品質實

上官儀 陝州 陝縣人

○許圜師免○颶海總管

蘇海政矯詔殺興昔亡可汗

颶海道總管蘇海政受詔討龜茲，敕興昔亡繼往，絕二可汗，發兵與俱，繼往，絕素與興昔亡有怨，密請海政矯敕收斬之，其部落亡走，海政追討平之，繼往，絕尋死，十姓無主，附於

吐蕃

集覽

颶海突厥中地名颶越筆反興昔亡可汗名彌射繼往絕可汗名步真

質實

龜茲西域國名注見漢光武建武二十二年吐蕃西羌種名注見太宗貞觀八年

年

書法

自是十姓皆附吐蕃而唐世吐蕃之禍始此矣故謹志之

發明

興昔亡可汗遠在邊徼之外海政矯詔殺之得書于冊以著其罪者聽達

於上也王后蕭妃近在宮闈之內武氏專擅殺之不書于冊若無所聞者蒙蔽之甚也此而觀之其義見矣

西突厥寇庭州刺史來濟死之

西突厥寇庭州刺史來濟將兵拒之謂其衆曰吾久當死幸蒙存全以至今日當以身報國遂不釋甲胄赴敵而死胡氏曰褚遂良至愛州上表自陳定策之功受遺之寄曰螻蟻餘命乞陛下哀憐君子悲之而亦嫌其氣衰而志挫也來濟赴敵而死可謂善處死矣人孰不死處之為難使無忌而知此則能庭爭武氏矣遂良而知此則能待盡無言矣

實

突厥北狄國名注見梁武帝大同十一年庭州注見齊明帝建武四年高昌愛州注

見梁武帝
太清二年

書法

書死之何善濟也濟於同時諸大臣可謂得其死所矣

癸亥三年春正月以李義府為右相夏四月除名

流雋州

義府兼知選事恃勢賣官怨讟盈路上從容戒之義府勃然變色曰誰告陛下緩步而去上不悅義府又與術者微服出城候望氣色或告義府陰有異圖鞠之有實詔除名流雋州朝野稱慶

質實

從容注見漢宣帝地節三年雋州注見漢武帝元鼎六年越雋

發明

義府弄權罔上何以不書有罪高宗崇信姦回使之怙寵至是其責亦有

所分矣是以書法如此夫

蓬萊宮成

初隋文帝遷長安城立宮於西北隅至是營蓬萊宮於其東北制度宏壯於舊門曰丹鳳殿曰含元移仗居之命故宮曰西內新宮曰東內亦曰大明宮云

集覽

移仗仗注

見永徽五年

質實

長安城注見隋煬帝大業十三年蓬萊宮注見太宗貞觀六年

慶善宮含元殿名注見憲宗元和十四年宣政

書法

蓬萊宮何大明宮也貞觀八年書營大明宮未成而上皇寢疾往年四月

乃作蓬萊綱目不書作蓬萊已書其始也至是宮成制度宏壯則是宮之勞費可知矣故特書成凡宮室書成久辭也是故漢長樂書治書成隋仁壽書作書成唐蓬萊書營書成皆久而後成也終綱目宮室書成四詳漢高帝十二年惟晉新宮無譏焉

五月詔鄭仁泰等分屯涼鄯以備吐蕃

吐蕃吐谷渾互相攻各上表論曲直求援上不許吐蕃擊吐谷渾大破之吐谷渾可汗曷鉢與弘化公主帥數千帳棄國走涼州上以鄭仁泰等分屯涼鄯備吐蕃又以蘇定方節度諸軍援吐谷渾吐蕃表吐谷渾之罪且請和詔責讓之

質實

吐谷渾西羌種名注

見晉元帝建武元年弘化公主注見隋煬帝大業八年涼鄯二州名涼注見中宗景龍二年鄯注見漢宣帝元康四年湟中

書法

吐蕃始蓋強也唐之西患蘇海政為之

邊備

秋九月熊津總管孫仁師攻百濟拔之

初劉仁願劉仁軌既克真峴城詔孫仁師將兵浮海助之軍勢大振諸將以加林城水陸之衝欲先攻之仁軌曰周留城虜之巢穴若克周留諸城自下於是水陸並進遇倭兵於白江口四戰皆捷百濟王豐奔高麗子忠勝等帥眾降百濟盡平唯任存城不下百濟人

直盜圖

唐高宗龍朔三年

正編

御侮能臣

黑齒常之沙吒相如各帥眾降仁軌使各將其眾取任存城仁師曰此屬獸心何可信也仁軌曰吾觀二人皆忠勇有謀敦信重義是其感激立效之時不用疑也遂給糧仗分兵隨之拔任存城詔留仁軌鎮百濟召仁師仁願還仁軌瘞骸骨籍戶口理村聚署官長通橋道補隄塘課耕桑賑貧老立唐社稷頒正朔及廟諱百濟大悅然後修屯田儲糗糧訓士卒以圖高麗仁願至京師上問之曰卿所奏事皆合機宜卿本武人何能如是仁願曰皆仁軌所為也上悅加仁軌六階遣使勞勉之西臺侍郎上官儀曰仁軌遭黜削而能盡忠仁願秉節制而能推賢皆可謂君子矣

集覽

黑齒虜復姓百濟國人沙吒虜復姓

亦百濟人吒知加反
屯田屯守而營田

質實

黑齒常之百濟西部人京師注見周

顯王二十五年

子用

麟德

元年春正月以殷王旭輪為單于大都

護

初李靖破突厥遷三百帳於雲中城阿史德氏為其長至是部落漸眾請立可汗以統之上曰今之可汗古之單于也故更為單于都護府而使皇子殷王遙領之

質實 一統

志云雲中城在大同府城北郭外後魏建此為西京其門東曰迎春南曰朝陽西曰定西

睿宗且初見

通鑑綱目

卷四十一 唐高宗麟德元年

七

正編

北曰拱極其宮垣占城之北唐為雲中郡殷州名注見隋恭帝皇泰二年獲嘉

郇公孝協坐賊賜死

孝協為魏州刺史坐賊賜死有司奏孝協父叔良死王事不可絕其嗣上曰畫一之法不以親疎異制苟害百姓雖太子亦不赦也孝協竟自盡於第胡氏曰高宗昏懦肆恣棄太宗之法如掃塵爍凍然而於孝協之賊確守畫一如此何哉且必以治庶人者治皇族而其言及於太子他日東宮速見廢殺則畫一不赦之教也

集覽

畫一之法注見漢惠

帝二年

質實

郇縣名注見漢高祖天福十二年魏州注見漢成帝綏和二年東宮

注見宋文帝元嘉二十七年

秋七月詔以三年正月封禪

質實

封禪注見秦始皇二十八

年 ○八月以劉祥道竇德玄為左右相 ○冬十

月遣兵代戍熊津

熊津都督劉仁軌上言戍兵疲羸者多衣服貧弊唯思西歸無心展效臣問以往時百姓應募或請自辦衣糧何為今日士卒如此咸言今日官府與曩時不同曩時沒王事者敕使弔祭追贈官爵回授子弟凡度遼者皆賜勲一轉自顯慶五年以來度海者官不記錄

言言痛心

死者無人誰何。州縣發兵壯而富者行錢得免。弱而貧者被發卽行。海東苦戰之時許以勲賞。及達西岸。唯聞推禁奪賜。破勲州縣。追呼無以自存。是以被發之日。已有逃亡自殘者。其有勲級亦不免挽引之勞。無異白丁。又初發時。惟令備一年資裝。今已二年未存。還期自非有所更張。厚加慰勞。明賞重罰。以起士心。恐師衆疲勞。立效無日。上深納其言。遣劉仁願將兵渡海。以代舊鎮之兵。敕仁軌俱還。仁軌曰。舊兵當令取獲。辨具遣還。軍將宜留鎮撫。未可歸也。仁願曰。吾前還海西。大遭讒謗。云吾謀據海東。幾不免禍。今日惟知準敕。豈敢擅有所爲邪。仁軌曰。苟利於國。豈恤其私。乃上表陳便宜。自請留鎮。從之。以扶餘

隆爲熊津都尉。使招集其餘衆。**集覽**沒王事爲王事而亡沒者勲級勲官之資級扶餘隆扶餘本東夷國名因以爲氏隆名也

十二月殺同三品上官儀劉祥道罷梁王忠賜

死

初武后屈身忍辱奉順上意。故上排羣議而立之。及得志。專作威福。上動爲所制。不勝其忿。會宦者王伏勝發其使道士郭行真出入禁中。爲厭禱事。上密召上官儀議之。儀因言后專恣。請廢之。上卽命草詔。左右奔告于后。后遽詣上自訴。上羞縮不忍。乃曰。我初無此

昏懦王此

心皆上官儀教我儀先與伏勝俱事故太子忠后於是使許敬宗誣奏儀伏勝與忠謀大逆儀下獄及伏勝皆死妻子籍沒賜忠死於流所右相劉祥道坐與儀善罷朝士流貶者甚衆自是上每視事則后垂簾於後政無大小皆預聞之天下大權悉歸中宮天子拱手而已中外**集覽**厭禱厭益涉反鎮也禱告事求福也**質實**梁州謂之二聖也

見周赧王四年

書法

梁王忠廢為庶人矣書梁王何不予其廢之也賜死之例有四著所坐賜

死者也書貶其賜死竇參楊收韋保衡孟

漢卿書賜某死吳通玄路巖蘇檢皆可罪而未宜死者也直書某賜死梁王忠不宜死者也無所坐者也

發明

哀哉上官儀之死也彼昏不知烏可與之有言哉京房諄諄開悟元帝言

非不明聽非不諭然姦賊未去身已不保昏懦之君大抵若此綱目書殺書爵蓋亦哀之而已夫豈樂予之哉

以樂彥璋孫處約同三品

考異

提要無此十字

乙丑二年春三月以姜恪同三品○夏四月以陸

通鑑綱目

卷四十一 唐高宗麟德二年

十三

正編

敦信為右相樂彥瑋孫處約罷

質實

陸敦信
嘉興人 ○

五月行麟德曆

李淳風以戊寅曆推步浸疎乃增損劉焯皇極曆更撰麟德曆行之也步考也漢馮緄傳善推步注云謂究日月五星之度昏旦節氣之差劉焯隋太學博士著曆書十卷焯音灼

冬十月車駕發東都十二月至泰山

皇后表稱封禪祭皇地祇太后昭配而令公卿行事禮有未安請帥內外命婦奠獻詔禪

六亂道

絕無大臣之體

公藝所對全不合時

社首以皇后為亞獻越國太妃燕氏為終獻廢藁粘陶匏用茵禱鬯爵文舞用功成慶善之樂武舞用神功破陳之樂上發東都華戎衛從數百里不絕時比歲豐稔米斗至五錢麥豆不列于市上至濮陽左相竇德玄騎從上問濮陽謂之帝丘何也德玄不能對許敬宗自後躍馬而前曰昔顓頊居此故謂之帝丘上稱善敬宗退謂人曰大臣不可以無學德玄曰人各有能有不能吾不强對以所不知此吾所能也李勣曰敬宗多聞信美矣德玄之言亦善也張公藝九世同居北齊隋唐皆旌表其門上幸其宅問所以能之故公藝書忍字百餘以進上善之賜以縑帛胡氏曰新城三老啟漢高以君臣之大義壺關三老

悟孝武以父子之至情湖三老猶能辯王尊被劾之非辜正朝廷刑罰之失當皆因事有補不苟然也高宗非不能忍之患乃過於忍之失公藝又以忍勸之其樸茂有餘而智術短矣為公藝者宜曰臣家所以同居之久由家長專治權在男子婦人不預外事也如此萬一其有

集覽 內外命婦注見太宗貞觀元警焉耳矣

年社首山在兖州應劭曰在博縣晉灼曰在鉅平南十三里藁秸陶匏周禮次展筵凡圖王氏神席議曰禮器莞篲之安而藁靺之設正義謂藁靺除穗粒取稈藁為席郊祭不用莞篲之可安而設藁靺之麓席亦脩古也記郊特牲器用陶匏以象天地之性也莞篲之安而蒲越藁靺之尚明之也

注陶謂陶瓦為酒尊匏瓠也謂破匏為爵皆太古之禮器觀天下之物無可以稱其德也蒲越藁靺皆藉神席也正義謂今禮以藁靺為祭天席蒲越為配帝席靺與桔通音憂莞音官越音活茵褥爵說文茵車重席也褥藉也罍龜目酒尊似壺容一斛水作雲雷象爵飲器刻為爵形受一升漆赤中畫雲氣功成慶善樂注見太宗貞觀六年神功破陳樂注同上貞觀元年新城三老啟漢高以君臣之大義事見漢王劉邦二年壺關三老悟孝武以父子之至情事見漢武帝征和二年湖三老猶能辯王尊被劾之非辜事見漢成帝河平二年

質實 泰山注見秦始皇二十八年一統志云社首壇名在濟南府泰安州

西南五里亭禪山上宋真宗封泰山禪此中有蒿里祠在焉濮陽郡名注見周安王五年帝丘地名在東昌府城西南二百里按一統志古顓頊之墟曰帝丘夏為昆吾氏所居春秋衛成公遷都於此顓頊五帝之一即高陽氏也詳見通鑑前編張公藝壽張人

丙寅 乾封元年春正月封泰山禪社首

正月朔祀昊天上帝於泰山南明日登泰山封玉牒藏之石臧又明日降禪于社首祭皇地祇上初獻畢執事者皆趨下宦者執帷皇後升壇亞獻帷帟皆以錦繡為之赦天下改元文武官賜爵加階有差先是階無泛加皆以勞考敘進至五品三品仍奏取進止至是

始有泛階比及末年服緋者滿朝矣

集覽

玉牒注見漢武帝元年石臧臧音感

石篋也以方石再累皆方五尺厚一尺刻其中以容玉匱臧傍施石簡十枚以簡石臧南方北方皆三東方西方皆二去臧隅皆一尺臧纏以金繩五周封以石泥或曰以水銀和金為泥而封之

質實

昊天上帝注見隋恭帝義寧二年皇地祇注見漢後主建興十

車駕還過曲阜祠孔子

贈太師祭以少牢

質實

曲阜縣名注見周太祖廣順二年少牢姓名注見太宗貞

觀十
九年

書法

於是孔子贈太師則曷為不書諱之也孔子贈太師而尊老君為皇帝亦大不倫矣諱之者譏之也終綱目書祠孔子五詳漢高帝十二年

至亳州尊老君為太上玄元皇帝

至亳州謁老君廟上尊號

質實

亳州注見漢獻帝建安十五年譙邑一統志云老君廟在鳳陽府亳縣老子所生之地後人為立廟漢桓帝嘗命邊韶為文以記之

書法

上書過曲阜祠孔子庶足見尊師重道之意然贈以三公之官則是臣之

也禮安在哉况下書尊老君為太上玄元皇帝其輕重不倫若此故綱目於贈太師則削而不書蓋為先聖諱之爾事有若美而實不美者此類是也雖然吾先聖豈以是為輕重哉

李義府卒

時大赦惟長流人不聽還李義府憂憤發病而卒自義府之貶朝士日憂其復入至是衆心乃安

書法

於是義府除名矣不卒可也而卒之何幸唐人也義府雖貶朝野憂其復

入至是衆心乃安故幸之

夏四月車駕還京師○陸敦信罷○五月鑄乾

封泉寶錢

錢一當十俟期
年盡廢舊錢

六月遣金吾衛將軍龐同善將兵伐高麗

高麗泉蓋蘇文卒長子男生代為莫離支出
巡諸城使其弟男建男產留知後事或謂二
弟曰男生惡二弟欲除之又有告男生者曰
二弟欲拒兄不納男生遣人偵伺二弟收掩

得之乃以王命召男生男生懼不敢歸男建
自為莫離支發兵討之男生走保別城使其
子獻誠詣闕求救詔契苾何力龐
同善將兵救之以獻誠為鄉導
麗官名注見太
宗貞觀二十年

秋七月以劉仁軌為右相

初仁軌為給事中按畢正義事李義府怨之
出為青州刺史會討百濟仁軌當浮海運糧
遭風失船命監察御史袁異式往鞠之義府
謂曰君能辦事勿憂無官異式至謂仁軌曰
君宜早自為計仁軌曰仁軌當官失職國有
常刑公以法斃之無所逃命若使遽自引決

進

士氣

賢

以快讐人竊所未并乃具獄以聞上命除名以白衣從軍自效及為大司憲異式懼不自安仁執瀝觴告之曰仁執若念疇昔之事有如此觴既知政事薦為司元大夫監察御史杜易簡謂人曰斯集覽若念疇昔之事自誓所謂矯枉過正矣集覽不以前者見鞠失船事為念也記檀弓疇昔之夜注疇發聲也昔猶前也質實引決注見宋明帝泰始七年

竇德玄卒○皇后殺其從兄武惟良

初武士護娶相里氏生男元慶元爽又娶楊氏生三女長適賀蘭越石次皇后次適郭孝

慎士護卒元慶元爽及士護兄子惟良懷運皆不禮於楊氏楊氏深銜之越石早卒后既立楊氏號榮國夫人越石妻號韓國夫人惟良等皆列朝廷榮國夫人謂曰頗憶疇昔之事乎對曰惟良等幸以功臣子弟早登官籍揣分量才不求貴達豈意以皇后之故曲荷朝恩夙夜憂懼不為榮也榮國不悅皇后乃上疏請出惟良等為遠州刺史外示謙抑實惡之也元慶以憂卒元爽坐事流振州而死韓國及其女皆得幸於上其女賜號魏國夫人后惡之會惟良懷運至京師獻食密置毒醢中使魏國食之暴卒因歸罪於惟良懷運誅之改其集覽相里複姓咎繇之後為理氏姓為螻氏商末理證孫仲師遭難去王

姓里至晉里克見滅克妻司成氏攜其少

質

子季友逃居相城因姓相里氏相去聲

實

振州注見高祖武德五年

發明

於所厚者薄無所不薄也武氏不道勦殺其族如獵狐兔亦何有於李氏

哉故特書皇后殺其從兄以惡之

九月龐同善大破高麗兵○劉祥道卒

子齊賢嗣齊賢為人方正上甚重之為晉州司馬將軍史興宗從獵苑中因言晉州產佳鷄請使齊賢捕之上曰劉齊賢豈捕鷄者邪胡氏曰人主雖有嗜欲昏蔽其本心之明亦

不可亡也特所蔽者重不能推廣其明耳高宗若以待劉齊賢之心博求賢德列之朝廷

則膏肓之疾必有能已之者然既知齊賢方正而置之州司馬雖不使捕鷄亦不能采其

謀猷善善不用郭公之道爾

集覽

善善不用郭公之道爾注見太宗貞觀二年

質實

晉州注見漢獻帝建安七年河東膏肓之疾注見晉愍帝建興四年

冬十二月以李勣為遼東大總管伐高麗

勣欲與其塔京兆杜懷恭偕行懷恭亡匿謂人曰公欲以我立法耳勣聞之流涕曰杜郎疎放此或**集覽**公欲以我立法耳杜懷恭自

李勣見殺以京兆郡名注見玄立軍法也宗開元十一年

丁卯二年春正月耕籍田考異耕上漏帝字

有司進耒耜加以珮飾上曰耒耜農夫所執豈宜如此之麗命易之既而耕之九推乃止

胡氏曰為國務農必本末備舉然後實德及百姓高宗政出房帷馴至大亂而躬籍千畝

勤於九推夫豈集覽耕籍田注見漢文帝二年九推乃止注見耕籍

勸農之本乎田質實耒耜治田器名釋名云揉木為耒斲木為耜

書法高宗耕籍不悉書據永徽三年正月不書此其書何美崇質也

除 罷乾封泉寶錢

自行乾封錢穀帛踊貴商賈不行罷之

夏六月以楊弘武戴至德李安期張文瓘趙仁

本並同三品

時造蓬萊上陽合璧等宮頻征伐四夷廐馬萬匹倉庫漸虛張文瓘諫曰隋鑿不遠願勿使百姓生怨上納其言減廐馬數千匹○上屢責侍臣不進賢李安期對曰比來公卿有所薦引為讒者已指為朋黨滯淹者未獲伸而在位者先獲罪是以各務杜口耳陛下果

推至誠以待之其誰不願 **質實** 上陽宮在河

舉所知邪上深以為然 舊湖城縣西北一里隋煬帝建 **張文瓘** 貝

秋八月朔日食 ○ 李安期罷 ○ 九月李勣拔高

麗十七城

李勣拔新城遂引兵進擊一十六城皆下之
副大總管龐同善高侃尚在新城泉男建遣
兵襲其營武衛將軍薛仁貴擊破之勣行軍
管記元萬頃作檄高麗文曰不知守鴨綠之
險男建報曰謹聞命矣即移兵據之唐兵不
得度上聞之流萬頃於嶺南副大總管郝處

天象

俊在高麗城下未及成列高麗奄至軍中大
駭處俊據胡牀方食乾糲潛簡精銳擊敗之

將士服 **質實** 郝處俊安陸人胡牀注
其膽畧 見周世宗顯德五年

戊辰 **總覽** 元年夏四月彗星見于五車 **集覽** 五車

書五車五星在畢北五車者 **質實** 彗星注見周
五帝車舍也主天子五兵 顯王八年

彗星見上避正殿戒膳徹樂許敬宗等奏請
復常曰彗星見東北高麗將滅之兆也上曰
朕之不德謫見于天豈可歸咎小夷且高麗
之百姓亦朕之百姓也不許彗尋滅范氏曰
高宗庸昏而猶能出人君之言其誠足以勤
天矣然則古者失道之君未必其身親為不

善也姦佞之臣納之於惡者蓋多矣亦可以為戒哉

楊弘武卒○秋九月李勣拔平城高麗王藏降

高麗悉平

薛仁貴破高麗於金山乘勝將攻扶餘城諸將以其兵少止之仁貴曰兵不必多願用之何如耳遂為前鋒以進與高麗戰大破之殺獲萬餘人遂拔扶餘城扶餘川中四十餘城皆望風請服侍御史賈言忠奉使自遼東還上問以軍事言忠對曰隋煬帝東征而不克者人心離怨也先帝東征而不克者高麗未有釁也今高藏微弱男生兄弟相攻飢饉連

仁貴一定
天山再平
高麗洵勇
將也

年妖異屢降其亡可翹足待也上又問諸將孰賢對曰薛仁貴勇冠三軍龐同善持軍嚴整高侃忠果有謀契苾何力沉毅能斷然夙夜小心忘身憂國皆莫及李勣也勣等進攻大行城拔之諸軍皆會進至鴨綠柵破之圍平壤月餘高麗王藏遣泉男產詣勣降男建猶閉門拒守以軍事委僧信誠信誠開門勣縱兵登城男建自刺不死遂擒之高麗悉平

質實

金山注見隋恭帝皇泰二年扶餘城注見秦王政三年飢饉注見隋煬帝大業十二年一統志云鴨綠柵在遼東都司城東五百

六十里鴨綠江之東乃後魏所置以塞高句驪之路

冬十月以盧迦逸多為懷化大將軍

烏茶國婆羅門盧迦逸多自言能合不死藥，上將餌之，東臺侍郎郝處俊諫曰：「脩短有命，非藥可延。」貞觀之末，先帝服那羅邇娑婆寐藥，大漸之際，名醫不知所為，議者將加顯戮，恐取笑戎狄而止。前鑿不遠，願陛下深察，上乃止。

集覽

烏茶西域國，一曰烏伏那。

亦曰烏菴直在天竺國南，其東則大食國也。漢書茶作秬，注烏一加反，秬直加反。那羅邇方士名娑婆寐，方士名大漸。注見隋文帝開皇十四年。見太宗貞觀十三年。

書法

前書遣天竺方士歸國矣，於是又書以盧迦逸多為懷化大將軍。帝固非有定見者，蓋當此時年踰不惑，內寵之意輕而長生之念重矣。豈復記往日之言哉？書譏之也。

十二月置安東都護府

李勣將至，上命先以高藏等獻于昭陵，具軍容奏凱歌入京師，獻于太廟。上受俘于含元殿，分高麗五部百七十六城六十九萬餘戶為九都督府，四十二州百縣，置安東都護府於平壤以統之。擢其酋帥有功者為都督、刺史，縣令與華人參理，以薛仁貴檢校安東都

高麗境土

曲盡其情

護總兵二萬人以鎮撫之上祀南郊告平高麗以李勣為亞獻時有敕征遼軍士逃亡限內不首者身斬妻子籍沒太子上表曰軍士或遇疾病不及隊伍或因樵採為賊所掠或渡海漂沒或深入賊庭為所傷殺軍中不暇勘當皆以為逃若即配沒情實可哀乃詔免之

質實

昭陵注見太宗貞觀二十三年舍元殿注見憲宗元和十四年宣政安東

都護府注見秦王政三年遼東南郊注見漢後主建興十五年

以姜恪闡立本為左右相

質實

闡立本京兆萬年人立德之弟

○京師山東江淮旱饑

書法

自書大稔而封禪之事起於是書京師山東江淮旱飢是年書關中旱飢

咸亨元年書河南北旱饑鳳二年書關中旱蝗永淳元年屢書不一書矣

已二年春二月以李敬玄同三品

先是同三品不入銜至是始入銜

質實

銜釋名云官吏階位曰銜

書法

以同三品入銜始此

以盧承慶為司刑太常伯

承慶嘗考內外官有一官督運遭風失米承慶考之曰監運損糧考中下其人容色白若

考士者當按其平素若但以

通鑑綱目

卷四十一 唐高宗總章二年

三

正編

時容止而進退之則厚貌深情者得以售其好矣承慶易考未可遽以為法也

通鑑綱目

卷四十二

三

無言而退承慶重其雅量改注曰非力所及考中中既無喜容亦無愧詞又改曰寵辱不驚考中上○時渭南尉劉延祐弱冠政事為畿縣最李勣謂曰足下春秋甫邇遽擅大名宜稍自貶抑無為獨出人右也集覽畿縣最畿天子千里地王制曰天子之縣內凡九十三國注縣內夏時天子所居州界名也殷曰畿時殷頌曰邦畿千里維民所止周亦曰畿今畿縣之內有善政者劉延祐為最質實渭南縣名注見漢獻帝建安十六年劉延祐彭城人

以郝處俊同三品○詔定明堂制度

定明堂制度其基八觚其宇上圓覆以青陽玉葉其門牆階級窓櫺楣柱柳窠枅拱皆法天地陰陽律曆之數以衆議未決又會飢饉竟不果立集覽八觚漢郊八觚宣象八方注觚角也班固賦設壁門之鳳翔上觚稜而棲金爵注觚稜闕角也轉高轉角處柳窠柳字刊誤當是栴字史炤釋文作柳字益訛矣按爾雅栴謂梁上短柱上承屋脊者窠通作節記山節藻稅注栴謂之節楹謂之稅枅栴爾雅枅柱上橫木承棟者也櫺謂之枅質實明堂注見漢武帝建元元年

夏四月徙高麗戶於江淮山南京西諸州

通鑑綱目

卷四十二 唐高宗總章二年

三

正編

高麗之民多離叛者，敕徙三萬八千二百戶於江淮之南，及山南京西諸州空曠之地，留其貧弱者。**質實**高麗東夷國名，注見漢武帝元封二年朝鮮使守安東。

六月朔日食

質實

日食注見新莽天鳳元年

秋八月詔幸

涼州不果行

考證

幸當作如

詔以十月幸涼州，時隴右虛耗，議者多以爲不宜遊幸，上聞之，召五品已上謂曰：自古帝王莫不巡狩，故朕欲巡視遠俗，若其不可，何不面陳而退，有後言邪？宰相以下皆不敢言。詳刑大夫來公敏曰：巡狩雖帝王常事，然今高麗餘寇尚多，西邊兵亦未息，隴右戶口彫

弊，鑿輿所至，供億百端，外間實有竊議，但明制已行，故羣臣不敢陳論耳。上善其言，爲之罷行。范氏曰：高宗溺於所愛，不顧禮義，雖元舅顧命之臣，以先帝遺言爭之，確乎其不可入也。涼州之不行，得非武后之意乎？何其從諫之易也，且不從其大而從其細，雖曰能聽諫而謹於細行，亦不免陷於大惡也。**質實**隴右注見秦王政三年，隴西巡狩注見隋煬帝大業六年鑿輿注見德宗興元元年

書法

不果行何美從諫也，凡遊幸書不果皆美辭，終綱目遊幸書不至而還二

漢明帝永平四年辛卯年吳主皓書不果行一，是年唯孫皓不至爲危辭

天象

九月大風海溢

漂六千餘家

書法

終綱目書海溢六詳漢質帝本初元年帝居二焉陰盛之徵也自是無書

不海溢者矣

冬十一月李勣卒

以誦佞成君之過功不贖罪矣

上嘗謂侍臣曰朕虚心求諫而竟無諫者何也李勣對曰陛下所為盡善羣臣無得而諫范氏曰甚矣李勣之佞也陷君於惡又諂以悅之其罪大矣勣本羣盜無識可為將而不

其後不免發塚斲棺之禍

可為相以輔少主居伊周之地非其任矣○勣寢疾謂弟弼曰我見房杜平生勤苦僅立門戶遭不肖子蕩覆無餘吾此諸子今以付汝謹察視之其有志氣不倫交游非類者皆先搃殺然後以聞范氏曰房杜事君以忠其子孫不肖覆宗絕祀出于不幸非其積不善也李勣一言喪邦罪不容誅得死牖下幸矣乃以房杜為戒可謂不能省已者矣父子不責善骨肉之親無絕也而使殺之何異於夷貊豈所以為訓乎○勣為將有謀善斷從善如流戰勝則歸功於下所得金帛悉散之將士故人思致死所向克捷臨事選將必訾相其狀貌豐厚者遣之或問其故勣曰薄命之人不足與成功名閨門雍睦而嚴其姊嘗病

勣親為作粥，風回，焚其鬚鬢，姊曰：「僕妾幸多，何自苦如是？」勣曰：「非然也。顧姊老，勣亦老，雖欲父為姊煮粥，其可得乎？常謂人我年十二三時為亡賴賊，逢人則殺，十四五為難當賊，有所不愜，則殺之。十七八為佳賊，臨陳乃殺人，二十為大將，用兵以救人死。卒謚貞武，孫敬業。」

集覽 得死，曠下記喪大記曰：「疾病寢東，嗣首於北牖下，注謂君來視之時也。」

病者恒居北牖下。

質實 伊周謂伊尹周公。

書法 勣功臣也，衛公鄂公皆具官，此其不削之。

發明 武氏之立，決於李勣之一言，遂至滅唐社稷，貽禍甚慘，綱目於廢立之際，雖已載之分注，而勣之罪竟未有以見也。故於其死，盡削其官以罪之耳。或曰：高宗之時，大臣書卒罕有具其官者，如竇德玄、劉祥道之類，蓋可見矣。曰：是不然。勣故前朝功臣，初非德玄、祥道之比。姑以太宗朝觀之，自貞觀四年書蔡公杜如晦卒，至廿三年書衛公李靖卒，其間書卒者凡十有四人，未有不書其爵者。又以高宗朝觀之，其書前朝舊臣之卒者，如北平公張行成、鄂公尉遲敬德、愛州刺史褚遂良，亦未有不書其官者。何獨於勣而削之哉？勣在兩朝，論其勲業，殆與衛公、鄂公諸人等。今綱



目獨削其官遂至與隋楊素同科素有廢立儲君之罪勤有廢立中閫之罪故其書法若一是皆深貶而誅之也不然以勤之公勤勲績可少訾哉

定銓注法

時承平既久選人益多司列少常伯裴行儉始與員外郎張仁禕設長名姓歷榜引銓注之法又定州縣升降官資高下其後遂為永制無能革之者大畧唐之選法取人以身言書判計資量勞而擬官始集而試觀其書判已試而銓察其身言已銓而注詢其便利已注而唱集眾告之然後類以為甲先簡僕射乃上門下給事中讀侍郎省侍中審之不當

身言書判
後世猶參
用之然終
非萬世之

至言

者駁下既審然後上聞王者受旨奉行各給以符謂之告身兵部武選亦然課試之法以騎射及翹關負米人有格限未至而能試文三篇謂之宏詞試判三條謂之拔粹入等者得不限而授其黔中嶺南閩中州縣官不由吏部委都督選擇士人補授凡居官以年為考六品以下四考為滿有劉曉者上疏論之曰今選曹以檢勘為公道書判為得人殊不知考其德行才能况書判借人者眾矣又禮部取士專用文章為甲乙故天下之士皆捨德行而趨文藝有朝登甲科而夕陷刑辟者雖日誦萬言何關理體文成七步未足化人取士以德行為先文藝為末則多士雷奔四方風動矣

集覽

身言書判
唐制擇人

之法有四一曰身體貌豐偉二曰言言辭辯
正三曰書楷法適美四曰判文理優長四事
皆可取則先德行見選舉志適才由反健也
乃上門下上是掌反進也門下謂門下省給
事中讀讀其身言書判便利也侍郎省省視
也翹關負米二者取士之科也唐選舉志詔
四方德行才學之士下至翹關拔山莫不兼
取注武氏長安二年始置武舉其制有馬槍
翹關負重身材之選翹關長丈七尺徑三寸
半凡卜舉後手持關距出處無過一尺負重
卽負米之說如郭子質實銓注注見晉武帝
儀中負米科是也太康六年黔中郡
名注見漢光武建武二十四年嶺南道名注
見秦始皇三十三年南海閩中郡名注見漢

武帝建元三年文成七步魏志文帝姪弟植
有才思欲刑之令七步作詩不則行刑植應
聲曰煮豆燃豆其豆在釜中泣本
是同根生相煎何太急詩竟釋之

發明

以言書判取人可也以身取人而求
其體貌豐偉焉如是則體若不勝衣
之趙文子容貌若婦人女子之張良不在
所取矣烏在其為良法哉書之于冊其失

自見

庚午 咸亨元年春正月劉仁軌致仕○三月許敬

宗致仕○勅突厥酋長子弟給事東宮

祿山前

西臺舍人徐齊聃上疏曰皇太子當引文學
端良之士寘左右豈可使戎狄醜類入侍軒
闈又奏齊獻公即陛下外祖雖子孫有犯豈
應上延祖禰今周忠孝公廟甚修而齊廟毀
廢非所以彰孝理之風也上
皆從之齊聃充容之弟也
公貞觀初追封長孫晟為齊獻公祖禰注見
漢章帝元和二年周忠孝公永徽初追封武
士護為周忠孝公充容女官名事物紀原云
漢典有充則疑漢官也北史曰隋煬帝參詳
典故著之於令也

書法

太子國本也太宗父子於其東宮常有
不當詔之詔綱目每謹書之詔訟

不決者聽於東宮上啟則書太宗貞觀四
年詔太子用庫物有司勿為限制則書太
宗貞觀十六年詔太子知左右屯營兵馬
事則書太宗貞觀十七年敕突厥酋長子
弟給事東宮則書是
年皆所以為世戒也

發明

太子國儲副君當以儒學端良之士
與之游處今乃以夷狄醜類居之其

輕國本甚矣高宗昏庸失德方且倚重中
宮謂可付託他日至欲使之攝政則其不
顧厥子固其宜也書敕突厥酋
長子弟給事東宮謬可知矣

夏六月朔日食○秋八月薛仁貴擊吐蕃敗績

初吐蕃陷西域十八州，又與于闐襲龜茲，撥換城陷之，詔罷龜茲于闐焉耆踈勒四鎮，以薛仁貴為大總管，阿史那道真郭待封副之，以討吐蕃。至大非川，將趣烏海，仁貴曰：「烏海險遠，輜重自隨，難以趨利，宜留輜重，置柵於大非嶺上，吾屬率輕銳倍道西行，掩其未備，破之必矣。」仁貴帥所部前行，擊吐蕃於河口，大破之，進屯烏海，待封先與仁貴並列，不肯受其節度，將輜重徐進，遇吐蕃大敗，棄輜重走。仁貴退屯大非川，吐蕃就擊之，唐兵大敗，死傷畧盡，與欽陵約和而還。仁貴待封皆免死，除名。欽陵，祿東贊之子也，與弟贊婆悉多于勃論，皆有才畧。欽陵代父秉政，三弟將兵居外，隣國畏之。

集覽

贊婆悉多于勃

君子敗事
多由此

論吐蕃俗不言姓，其王俗皆稱論官族，皆稱尚曰贊婆，曰悉多，曰于勃，皆欽陵弟，故稱論

質實

西域國名，注見漢哀帝元壽二年一統志云：于闐古國名，居蔥嶺之北，二百餘

里，自漢至唐皆入貢中國。五代晉天福中，其王李聖天自稱唐宗屬，遣使來貢，冊封為大寶于闐國王。宋建隆初，聖天遣使來貢，乾德中又遣其子德從來貢。大中祥符初，其國黑韓王遣回鶻羅思溫等入貢，嘉祐中遣使羅撒溫獻方物，請王號，乃以其國王為特進，歸忠保順，砮鱗黑韓王。夷語謂金翅鳥為砮鱗，黑韓蓋可汗之訛也。元豐中遣部領阿辛上表稱于闐國懷懼有福，力量知文法，黑汗王書元祐後詔令間歲一至，訖于宣和朝，享不

絕 本朝永樂初頭目打魯哇亦不刺金遣使滿刺哈撒木丁等貢玉璞焉耆西域國名

注見宋文帝元嘉十二年疎勒西域國名注見漢武帝元鼎二年輜重注見周顯王三十

七年吐蕃西羌種名注見太宗貞觀四年

書法

書擊何譏也蠻夷相攻不可治也亦既表請和矣而復伐之建無名也故

王書

關中旱饑

質實

關中注見玄宗開元二十一年京兆

○九月魯國

夫人楊氏卒

后之母也敕文武官及內外命婦並詣宅弔哭謚曰忠烈

書法

楊氏何武后母也后母卒未有書者此其卒之何譏也於是敕文武官及

內外命婦並詣弔哭且賜謚曰忠烈故書譏之自漢安帝書太后母卒至是而書后

母卒厚母黨可也妻黨甚矣終綱目書加恩外氏者三漢宣帝外祖母博平君安帝

鄧太后母新野君唐武后母楊氏

閏月皇后以旱請避位不許

發明

君治陽后治陰理也天以旱告此人君之事耳后何預而請避位哉且其

久位中閫避將何之直書於冊不惟見武氏愚弄其夫之罪亦以見昏君其受其侮

○加贈武士護為大原王夫人為妃 **考異** 武字當作

后 **質實** 太原郡名注見齊明帝建武三年并州

書法 先是書贈官凡三矣未有書加贈者徒爵周公於是復加贈太原王私益甚矣故書加譏之終綱目書贈官十二詳晉明

帝大寧二年書 加者一而已

趙仁本罷○冬十月詔官名復舊 **質實** 上条趙

子 辛未 二年冬十一月朔日食

壬申 三年春二月徙吐谷渾於靈州

吐谷渾畏吐蕃徙靈州 **質實** 靈州注見太宗其故地皆入於吐蕃 貞觀二十年

姜恪卒○夏四月吐蕃遣使入貢

吐蕃遣其大臣仲琮入貢上問以吐蕃風俗對曰吐蕃地薄氣寒風俗樸魯然法令嚴整

通鑑綱目 卷四十一
上下一心，議事常自下而起。因人所利而行之，斯所以能持久也。

秋八月許敬宗卒

太常博士袁思古以敬宗嘗奏流其子於嶺南，又以女嫁蠻酋，多納其貨。按謚法，名與實爽曰繆，請以謚之。敬宗孫彥伯訟請改謚，博士王福時曰：「何曾既忠且孝，徒以日食萬錢，得謚為繆，敬宗忠孝不逮於曾，而飲食男女之累過之，謚之曰繆，無負許氏矣。」詔五品以上更議。禮部尚書楊思敬曰：「過而能改，曰恭，請謚曰恭。」詔從之。福時通之子也。
集覽
男女之累累去聲玷也。謂奏流其子於嶺南，又以女嫁蠻酋，多納其貨。
質實
王

何事見其能改過

時龍門人何曾既忠且孝，日食萬錢。何曾陽夏人，好學博聞，性至孝。友自少至老，夫婦相見如宿，無聲樂嬖倖之好。仕魏至鎮北將軍，入晉累官太宰侍中。然性奢，豪務在華侈。帷帳車服窮極綺麗，厨膳滋味過於王者。每燕見不食，太官所設，帝輒命取其食，蒸餅上不坼，作十字不食，日食萬錢，猶曰無下筋處。

進

冬十一月朔日食。○以劉仁軌同三品。○以邢

文偉為右史，王及善為左千牛衛將軍。

太子弘罕接宮臣，典膳丞邢文偉輒減所供膳，上書諫，太子納之。上聞之曰：「直士也。」擢為

王及善行
品

通鑑綱目 卷四十一

右史太子因宴集命宮臣擲倒次至左奉裕
率王及善及善曰擲倒自有伶官臣若奉令
恐非所以羽翼殿下也太子謝之上聞

集覽

之賜及善縑百匹尋遷左千牛衛將軍
擲倒擲掉倒仆也猶言相撲伶官詩注樂官
也黃帝時樂師伶倫世掌樂官而善焉故後
世多號樂

質實

邢文偉全椒人王及善邯鄲
人千牛衛注見隋煬帝大業

十三
年

癸酉 四年春三月詔劉仁軌修改國史

以許敬宗等所
記多不實故也

武昭儀冊
立以來大
水之書不
絕于史天
之示人顯
矣

秋七月婺州大水

質實

婺州注見晉哀帝
興寧三年東陽

○冬

十月閻立本卒○十二月弓月疎勒來降

質實

弓月西域國名
注見永淳元年

甲戌 元年春正月以劉仁軌為雞林道大總

管討新羅

考證

討當
作伐

時新羅王法敏既納高麗叛眾又據百濟故
地詔削官爵立其弟仁問在京師者為王使

歸國

質實

新羅東夷國名注見漢
武帝元封二年朝鮮

通鑑綱目

卷四十一 唐高宗上元元年

正編

正編

三月朔日食○以武承嗣為周國公

考異

以當作封

武字當作皇后兄子四字按封拜例曰親戚貴重者書其屬據漢高后呂氏元年書追尊父呂公為宣王兄澤為悼武王四年書太后封女弟須為臨光侯皆書其屬則此當書其屬以著武氏革唐之由後凡封拜諸武皆倣此

元爽之子也

秋八月帝稱天皇后稱天后○九月追復長孫

無忌官爵

以無忌曾孫翼襲爵

趙公聽陪葬昭陵

集覽

陪葬昭陵陪厠也

泉

質實

趙州名注見漢景帝三年趙國

大酺

大酺上御翔鸞閣觀之分音樂為東西朋使雍王賢主東朋周王顯主西朋角勝為樂郝處俊諫曰二王春秋尚少志趣未定當推梨讓棗相親如一今分二朋遞相誇競非所以崇禮義勸敦睦也上瞿然曰卿遠識非眾人所及也遽止之

集覽

大酺注見玄宗

開元元年又注見周赧王二十年酺五日角勝漢書角抵謂兩兩相當角力角技藝射御

通鑑綱目

卷四十一 唐高宗上元元年

三

正編

賢

古未有天子在位而女后自頒詔勅者其所表十二條如勸農薄賦非無德政及民然專擅不可為訓矣

天后表便宜十二條詔行之

后以國家聖緒出玄元皇帝請令王公以下皆習老子令明經舉人策試又請自今父在為母服齊衰三年又京官八品以上量加俸祿及他便宜合十二條詔書褒美皆行之胡氏曰五服聖人所制其輕重隆殺皆有義理豈可以私增損武氏之為此請也蓋太宗加

以爭勝推梨讓棗推昌追反亦讓也棗或作栗刊誤漢孔融四歲時與諸兄食梨棗輒引小者人問其故答曰我小兒法當取小者瞿然曰瞿音履驚視貌記檀弓曾子聞之瞿然曰

高祖父母諸服有以啟之也古父在為母齊衰期豈聖人固薄於母哉天無二日民無二王豈特履霜而已哉不獨高宗懵然而其失至今未改也必欲得正其必以古為則乎

覽古父在為母齊衰期禮子為母服齊衰三年父在則厭降服齊衰期此古禮也按文

公儀禮圖喪服篇父在為母傳曰何以期也屈也至尊在不敢伸其私尊也

老子注見晉成帝咸康三年

書法

書詔行之何病帝也於是請父在為母服三年雖人子所樂聞者而發於

天后則敵陽之意昭昭矣是故天后表便
宜十二事書行之是年皇后表請改易制
度書從之中宗神龍
元年皆病其上也

乙亥二年春二月劉仁軌大破新羅

仁軌大破新羅之衆於七重城引兵還詔以
總管李謹行屯新羅之買肖城以經畧之新
羅遣使謝罪上赦之復法敏
官爵仁問改封臨海郡公
立其弟
仁問
臨海郡注見晉孝
武帝太元二年

三月天后祀先蠶

處俊一諫
二王競樂
再諫天后
衛政能言
人所不能
言

天后祀先蠶於印山之陽百官及朝集使皆
陪位時上苦風眩議使天后攝政郝處俊諫
曰天子理外后理內天之道也昔魏文帝著
令雖有幼主不許皇后臨朝所以杜禍亂之
萌陛下柰何以高祖太宗之天下不傳之子
孫而委之天后乎中書侍郎李義琰曰處俊
之言至忠陛下宜聽之上乃止天后多引文
學之士元萬頃劉禕之等使之撰列女傳臣
軌百僚新戒樂書凡千餘卷時密令參決
表奏以分宰相之權時人謂之北門學士
〔覽〕〔集〕
〔祀〕先蠶雲笈云黃帝元妃西陵氏始養蠶
為絲禮記皇妃祭先蠶西陵氏也按漢儀
春桑生皇后親桑於苑中蠶室養蠶于薄以
中牢羊豕祠蠶神曰苑窳婦人寓氏公主凡

二神也通典曰質實印山注見漢靈帝中平先蠶天駟也六年李義琰魏州昌樂

人劉禕之晉陵人子翼之子

書法 常事耳何以書於是百官及朝集使皆陪位非常也故書

以韋弘機為司農卿質實韋弘機京兆萬年人

弘機嘗受詔葺苑宦者犯法弘機杖之然後奏聞上以為能賜絹數十匹日更有犯者卿即杖之不必奏也

夏四月以趙瓌為括州刺史

左千牛衛將軍趙瓌尚高祖女常樂公主女為周王顯妃公主頗為上所厚天后惡之廢

妃幽殺之貶瓌刺括州質實一統志云常樂令公主隨之官絕朝謁隋之縣名屬燉

煌郡唐初因之後改曰晉昌故址在陝西行都司舊瓜州北括州注見顯慶五年

太子弘薨諡孝敬皇帝立雍王賢為太子考異

提要薨作卒按凡例未踰年不成君日薨則此當從提要為下漏皇字考證薨當作中

毒卒○謹按凡例曰凡以毒弑疑者日中毒筋註云如晉惠帝史言司馬越之醜而通鑑不著

其語故但如此書以傳疑今太子弘之死李泌嘗言武后欲謀篡國醜太子弘通鑑亦云時人

以爲天后醜之事未顯明。故不以殺書。又按綱目太子死失著例。憲宗太子寧文宗太子永皆書卒。今故上取晉惠帝中毒下取太子寧永卒例。當書曰太子弘中毒卒。曰太子弘仁孝謙謹。上甚愛之。中外屬心。天后方逞其志。太子奏請數廷旨。義陽宣城二公主。蕭淑妃之女也。幽于掖庭。年踰三十。太子見之驚惻。奏請出降。上許之。天后怒。卽日以公主配當上翊衛。太子尋薨。時人以爲天后醜之也。詔追謚爲孝敬皇帝。范氏曰。皇帝者有天下之號。非所以爲贈也。父沒而後子立。今父在而追尊其子。豈禮也哉。蓋武后謀篡國。醜太子而加之尊名。以掩其迹。李泌之言信矣。胡氏曰。太子弘幼有美質。其過失惟命

宮臣擲倒一節而已。嘗受春秋至商臣事廢書而歎曰。經籍聖人垂訓。而書此何耶。郭瑜對曰。春秋義存褒貶。故商臣千載而惡名不滅。弘曰。非唯口不可道。卽亦耳不忍聞。願受他經。瑜請讀禮。從之。弘方幼學而心志如此。豈非賢乎。其死也。非有他過。特以奏請。弗旨。嗚呼。爲人臣子而不知春秋之義者。必陷誅死之罪。弘之謂矣。太子之職。問安侍膳。此外非所預也。君父儒昏。母后專忍。尤當遵養。時晦以絕疑忌之萌。而輕用其智。不自韜默。此春秋所禁也。使郭瑜知此教。弘以爲太子之道。豈至於一言違忤而見醜哉。經訓不明。皆腐儒暗於大理。而居人父子之間。其禍如此。則人君愛其子而爲之擇師友者。可不慎哉。

集覽

屬心猶言注意屬音燭李泌之言見肅宗至德二載李泌字長源董衝釋泌薄必反或音兵媚反者非商臣事商臣春秋楚成王世子也弑成王而自立事在文元年遵養時晦注見憲宗元和十二年腐儒言其但能守陳腐之見不達時宜

質實

義陽

縣名注見梁武帝太清二年宣城縣名注同上三年宛陵掖庭獄名注見漢武帝後元元年
書法 綱目卒太子多矣未有書薨者此獨書薨何謚為帝也綱目自分王外書薨之例七非不成君廢帝廢后則謚為帝為后者也不然則帝母也有大功公主也

平陽公主舍是無薨道矣唐會昌以後藩鎮大臣有書薨者誤也然則書謚皇帝何譏也君生在上而以皇帝號其子是二日二王矣終綱目書謚皇帝四弘重茂憲俊於是雍王為太子不書皇缺也綱目太子不書皇者五高宗雍王賢肅宗平王隆基

玄宗忠王興穆宗景王湛文宗魯王永

發明

太子弘之卒人皆以為天后酖之綱目何不以皇后酖太子弘殺之為文高宗蔽於孽后昏然無知故綱目直書太子弘薨以著高宗愚蔽之失而武氏酖毒之過亦固在其中矣嗚呼莫親於父子莫重於儲極其死且莫能明之他何望哉噫

秋七月杞王上金澧州安置質實杞王上金杞州名注見漢

桓帝延熹四年雍丘上金唐高宗子初封杞王徙封澤王一統志云澧州本秦黔中郡地漢屬武陵郡孫吳屬天門郡晉置南平郡又析置義陽郡南齊為天門南平義陽三郡地隋初罷郡置松州尋改為澧州治澧陽縣大業中改為澧陽郡唐初復為澧州屬山南道天寶初改澧陽郡乾元初復為澧州宋屬荆湖北路元陞為澧州路本朝初改路為府尋改為州隸岳州府天后惡上金有司希旨奏其罪故有是命

八月以戴至德劉仁軌為左右僕射張文瓘為

侍中郝處俊為中書令李敬玄同三品

劉仁軌戴至德更日受牒訴仁軌常以美言許之至德必據理難詰未嘗與奪實有冤結者密為奏辨由是時譽皆歸仁軌或問其故至德曰威福者人主之柄人臣安得盜取上聞之深重之有老嫗欲詣仁軌陳牒誤詣至德至德覽之未終嫗曰本謂是解事僕射乃不解事僕射邪歸我牒至德笑而授之時人稱其長者文瓘時兼大理卿因聞改官皆慟哭文瓘性嚴正諸司奏質實李敬玄亳州譙人戴至德相州安陽人胃兄子大理官名注見高祖武德九年

識大體

忠厚

丙子 儀鳳元年春正月以來恒薛元超同三品

實 薛元超蒲州人收之子 ○閏月吐蕃寇鄯州 質實 鄯州注見

漢宣帝元康四年湟中 ○以高智周同三品 質實 高智周晉陵人

○秋八月始遣使詣桂廣文黔等府注擬 考證

詣當作之 或作如 敕桂廣等都督府比來注擬簡擇未精自今每四年遣五品以上官充使仍令御史同往

注擬時人 質實 桂廣文黔四州名桂注見秦謂之南選 始皇三十三年桂林廣注同

上年文唐初所置本漢交趾日南二郡界地後廢入蘭州故址在慶遠府城西南四百二十里黔注見高祖武德三年

進 九月以狄仁傑為侍御史

將軍權善才中郎將范懷義誤斫昭陵柏當除名上特命殺之大理丞狄仁傑奏罪不當死上曰我不殺則為不孝仁傑固執不已上怒令出仁傑曰犯顏直諫自古以為難臣以為遇桀紂則難遇堯舜則易夫法不至死而陛下特殺之是法不信於人也人何所措其手足且張釋之有言設有盜長陵一抔土陛下何以處之今以一柏殺二將軍後代謂陛下

忠直 見狄仁傑初

見 忠直

見 忠直

見 忠直

見 忠直

見 忠直

通鑑綱目 卷四十一 唐高宗儀鳳元年 正編

下為何如矣。臣不敢奉詔者，恐陷陛下於不道。且羞見釋之於地下也。上怒解，遂貸之。仍擢仁傑為侍御史。初，仁傑為并州法曹，同僚鄭崇質當使絕域，崇質母老且病，仁傑曰：「彼母如此，豈可復使之有萬里之憂？」詣長史蘭仁基請代之。行，仁基素與司馬李孝廉不協，因相謂曰：「吾輩豈可不自愧乎？」遂相與輯睦。胡氏曰：高宗於乃考帝範，十不遵一，妻父之妃而殺顧命大臣，其與陵柏孰重？於其重者安行而不忘，而切切於薄物細故，以為孝，豈不猶盜跖以分均？

集覽 盜長陵一抔土。注見後。莊子胠篋篇出後，義也。分均，仁也。注盜之為道，矢石相交，不顧性命，出競居後，可謂有

義分物均平。可謂有仁。

質實 狄仁傑，太原人。并州。注見齊明帝建武三年。盜跖。注見

見武宗會昌五年。

冬十月 祫享太廟

用太學博士史璨議，禘後三年而祫，祫後二年而禘。

質實 禘後三年而後主建興十五年。祫。注見漢平帝元始五年。

郇王素節袁州安置

素節，蕭淑妃之子也。警敏好學，天后惡之，以為申州刺史。素節以久不得入覲，著忠孝論。

通鑑綱目 卷四十一 唐高宗儀鳳元年 正編

后見之誣以賊賄降質實申州注見梁武帝

封鄴陽王袁州安置質實太清二年義陽鄴

陽縣名注見秦二世二年一統志云袁州禹

貢揚州之域春秋時屬吳戰國時屬楚秦屬

九江郡漢為豫章郡地孫吳及晉兼屬安成

郡隋於宜春縣置袁州因袁山為名大業初

改為宜春郡唐初復置袁州屬江南道開元

間屬江南西道天寶初復為宜春郡乾元初

仍為袁州宋因之元改置袁州路

本朝改為袁州府隸江西道

以李敬玄為中書令

丁丑二年春正月耕籍田考異耕上漏 ○二月以

高藏為朝鮮王扶餘隆為帶方王

以高藏為朝鮮王遣歸遼東安輯高麗餘衆

高麗先在諸州者遣與俱歸扶餘隆為帶方

王亦遣歸安輯百濟餘衆仍移安東都護府

於新城以統之藏至遼東謀叛召還徙邳州

而死高麗舊城沒於新羅餘衆散入靺鞨

鞞隆亦不敢還故地高氏扶餘氏遂亡質實

朝鮮東夷國名注見漢武帝元封二年遼東

郡名注見秦王政三年帶方州名注見晉惠

帝元康元年安東都護府注見秦王政三年

遼東邳州注見僖宗中和二年靺鞨北狄種

名注見隋文帝 開皇十八年

通鑑綱目

卷四十一 唐高宗儀鳳二年

正編

正編

郝處俊高智周罷○夏四月河南北旱

劉思立務行實政

遣御史中丞崔謐等分道賑給侍御史劉思立上疏曰麥秀蠶老農事方殷聚集參迎妨廢不少既緣賑給須立簿書本欲安存更成煩擾伏望且委州縣賑給疏奏謐等遂不行

張大安同三品

考異

張上漏以字

○詔廢顯慶新禮

秋八月徙周王顯為英王

更名

詔以顯慶新禮多不師古其五禮並依周禮行事自是禮官益無憑守每大禮臨時撰定

命劉仁軌鎮洮河軍

質實

洮河二州名洮注見高祖武德六年河注

見晉穆帝永和元年

三年春正月百官四夷朝天后於光順門

置高宗于何地

書法

君在而后朝百官四夷不待貶而義見矣綱目不書天后朝百官四夷書

也○元旦百官朝后始此

發明

春秋魯莊公時書夫人姜氏會齊侯于禚書享齊侯于祝又書姜氏如齊師蓋其進之以漸所以甚其惡也綱目之於武氏既書皇后決百官奏事又書后稱

天后又書后表便宜至是又書四夷百官
朝天后則其愈進愈盛幾於無君者矣履
霜堅水可畏如此特書
屢書皆千古之龜鑑也

○以李敬玄為洮河道大總管

劉仁軌有奏請多為李敬玄所抑由是怨之
知敬玄非將帥才薦之使守西邊敬玄固辭
上曰仁軌須朕朕亦自往卿安得辭
乃以敬玄代仁軌大發兵討吐蕃

夏五月幸九成宮

考異

月下漏
帝字

考證

幸當
作如

集覽

九成宮即隋仁壽宮
鳳翔府

質實

九成宮注見隋文帝開皇十三年仁壽宮

陰月故也

山中雨寒從兵有凍死者胡氏曰高宗可謂
舒遲解緩之君在咎徵宜得常煥今乃盛夏
而寒此武氏好殺氣之先至者也
惟見微者知之而人君不悟也

秋九月還京師 ○詔復奏破陳樂

上初即位不忍觀破陳樂命徹之
至是太常奏久寢懼廢乃復奏之

侍中張文瓘卒

上將討新羅文瓘臥疾在家自輿入諫曰今
吐蕃為寇方發兵西討新羅未嘗犯邊若又
東征臣恐公私不堪其弊上乃止

李敬玄與吐蕃戰敗績

李敬玄將兵十八萬與吐蕃將論欽陵戰於青海之上副總管劉審禮深入敗沒敬玄按兵不救狼狽還走虜追擊之員外將軍黑齒常之夜帥死士襲擊虜營虜乃遁去敬玄收餘衆還鄯州上嘉常之功擢拜左武衛將軍敬玄之西征也監察御史婁師德應猛士詔從軍及敗敕師德收集散亡軍乃復振因命使於吐蕃吐蕃將論贊婆迎之師德宣導上意諭以禍福贊婆甚悅為之數年不犯邊上以吐蕃為憂悉召侍臣謀之或欲和親或欲嚴備侯公私富實而計之或欲亟發兵擊之議竟不決太學生魏元忠上封事曰理國

能宣德意
于敗北之
時更難

破世倍之
惑

之要在文與武今言文者則以辭華為首而不及經綸言武者則以騎射為先而不知方畧故陸機著論辯云無救河梁之敗養由基射穿七札不濟鄠陵之師此已然之明效也古語有之兵無彊弱將有巧拙故選將當以智畧為本勇力為末今朝廷用人類取將門子弟及死事之家彼皆庸人豈足當閫外之任古之名將皆出貧賤而立殊功未聞其家代為將也夫賞罰者軍國之切務近日征伐虛有賞格而無事實蓋由小才之吏不知大體徒惜勳庸恐虛倉庫不知士不用命所損幾何自蘇定方征遼東李勣破平壤賞絕不行大非川之敗薛仁貴郭待封等不即重誅臣恐吐蕃之平非旦夕可冀也又出師之要

通鑑綱目 卷四十一 唐高宗儀鳳三年 正編

全資馬力，請開蓄馬之禁，使百姓皆得畜馬。若官軍大舉，增價市之，則皆為官有矣。上善其言，召見令直中。

集覽

論欽陵，欽陵名也。吐蕃之將論注見咸亨

元年，青海吐谷渾中有青海，周回九百里，中有一山，至冬水合，遊牝馬其上，言得龍種，嘗得波斯草馬，因生驄駒，故代稱青海驄。龍朔中，吐蕃滅吐谷渾而盡有其地。十三州志云：青海在臨羌縣西，有卑禾海，謂之青海。陸機著論辯亡，無救河梁之敗，言徒以辭華為文也。陸機本吳人，深慨孫皓之亡，遂著辯亡論二篇。後仕于晉，成都王穎以機為河北大都督，討長沙王又列軍自朝歌至河橋，戰於鹿苑，機軍大敗。養由基射穿七札，不濟鄆陵之

師，言徒以騎射為武也。左傳成十六年，晉楚遇於鄆陵，養由基蹲甲而射之，徹七札焉。以示王曰：君有臣如此，何憂於戰？王怒曰：大辱國，既戰，楚師敗績。注：蹲，聚也。一發達七札，言其能陷堅也。王怒曰：大辱國者，楚共王賤其不尚知謀也。楚辭天問篇：何昇之歟？革而交吞揆之。文公注云：歟，革禮所謂貫革之歟。左傳所謂蹲甲而歟之者，言有力也。吞滅也。揆，謀度也。言何昇之歟，藝勇力而其眾乃交進而吞謀之乎，亦此意也。歟與射同。

質實

一統志云：青海，即西海，在陝西行都司西寧衛城西三百餘里。海方數百里有魚，無鱗，背負黑點。漢平帝時，王莽秉政，風卑禾羌獻西海之地，置西海郡。莽敗，郡廢。一名卑禾羌海。

俗呼青海狼狽注見漢獻帝初平三年婁
師德鄭州原武人魏元忠宋州宋城人

來恒卒

退

卯巳 **調露**元年春正月幸東都司農卿韋弘機免

考異 月下漏帝字又巡行例曰郡國曰如官
府第宅曰幸此書幸東都當作如東都 **考**

證 幸當
作如

弘機作上陽等宮制度壯麗侍御史狄仁傑
劾奏弘機導上為奢泰免其官左司郎中王
本立恃恩用事朝廷畏之仁傑奏其姦上特
原之仁傑曰陛下何惜罪人以虧王法必欲

風力卓然

曲赦本立請棄臣於無人之境為忠
貞之誠本立竟得罪由是朝廷肅然 **質實**
東

注見秦莊襄王元年三川
上陽宮名注見乾封二年

二月吐蕃贊普死

贊普卒子詭弩悉弄立年八歲上命裴行儉
乘間圖之行儉曰欽陵為政大臣輯睦未可
圖也乃止

書法 吐蕃書
死始此

夏四月以郝處俊為侍中。○命太子賢監國

通鑑綱目

卷四十一 唐高宗調露元年

三

正編

太子處事明
審時人稱之

六月遣吏部侍郎裴行儉立波斯王行儉襲執

阿史那都支以歸

初西突厥阿史那都支及其別帥李遮旬與吐蕃連和侵逼安西朝議欲發兵討之吏部侍郎裴行儉曰今波斯王卒其子質京師宜遣使送歸道過二虜以便宜取之可不血刃而擒也上從之乃命行儉冊立波斯王行儉奏肅州刺史王方翼為副過西州揚言須稍涼西上都支覘知之遂不設備行儉召四鎮酋長謂曰昔在此州縱獵甚樂今欲尋舊賞

誰能從者諸胡子弟爭請行近得萬人行儉陽為畋獵按勒部伍數日遂倍道西進去都支部落十餘里遣使問其安否召與相見都支計無所出帥子弟迎謁遂擒之簡其精驍進掩遮旬遮旬亦降於是囚都支遮旬以歸遣波斯王自還其國留王方翼於安西使築碎葉城

集覽

四鎮安西四鎮以西域四國為名城曰龜茲曰于闐曰碎葉曰疎勒

質實

安西鎮名注見永淳元年京師注見周顯王二十五年肅州注見漢武帝元朔

三年酒泉西州注見齊明帝建武四年高昌

冬十月單于府突厥反遂寇定州

單于大都護府突厥阿史德温傅奉職二部俱反立阿史那泥熟匄為可汗一十四州酋長皆叛應之眾數十萬遣長史蕭嗣業等將兵討之嗣業等先戰屢捷因不設備會大雪突厥夜襲其營嗣業狼狽拔營走眾遂大亂為虜所敗突厥寇定州刺史霍王元軌命開門偃旗虜疑有伏懼而遁州人李嘉運與虜通謀事泄上令元軌窮其黨與元軌曰疆寇在境人心不安若多所逮繫是驅之使叛也乃獨殺嘉運餘無所問上大喜自是朝廷有大事上多密敕問之遣將軍曹懷舜屯井陘崔獻屯龍門以備突厥

傅奉職阿史德突厥三字
集覽 阿史德温
質實 定州注見周
威烈王二十

三年中山井陘縣名注見秦王政十八年龍門縣名注見隋文帝仁壽三年

庚辰 永隆元年春三月以裴行儉為定襄道大總

管討突厥平之 考證 討當 作擊

初上謂裴行儉曰卿文武兼資今授卿二職乃除禮部尚書右衛大將軍為定襄道行軍大總管將兵三十餘萬以討突厥至是大破突厥於黑山擒奉職泥熟匄為其下所殺以首來降初行儉至朔州謂其下曰撫士貴誠制敵尚詐乃為糧車三百乘每車伏壯士五人各持陌刀勁弩以羸兵為之援且伏精兵於險要以待之虜果至羸兵棄車散走虜驅

通鑑綱目 卷四十一 唐高宗永隆元年 正編

能

奇兵

行儉可與
言兵

車就水草。解鞍牧馬。欲取糧。壯士自車中躍出擊之。虜驚走。復為伏兵所邀。殺獲殆盡。自是運糧行者虜莫敢近。軍至單于府北。抵幕下營。掘塹已周。行儉遽命移就高岡。諸將皆言士卒已安。不可動。行儉不從。趣使移。是夜風雨暴至。前所營地水深丈餘。諸將驚服。問其故。行儉笑曰。自今但從我命。不必問其所由知也。

集覽 陌刀。陌本作鉞。廣韻注。鉞。陌白反。玉篇注。鉞。莫陌反。並訓。鉞。刀。軍器也。唐越州都督闕稜善用兩刃刀。長丈名曰栢刀。疑栢。

質實 定襄道。注見晉懷帝永嘉六年。一統志云。黑山在大同府城西。北四百五十里。古豐州境。與雲內州夾山東西相連。朔川未詳處所。或謂即朔州。注見漢

高帝六年馬邑

夏四月裴炎崔知溫王德真同三品

考異 裴上漏以

字
○秋七月吐蕃寇河源

吐蕃寇河源。將軍黑齒常之擊却之。常之以河源衝要。欲加兵戍之。而轉輸險遠。乃廣置烽戍七十餘所。開屯田五千餘頃。歲收五百餘萬石。由是戰守有備焉。先是劍南募兵於茂州。築安戎城以斷吐蕃之路。吐蕃攻陷其城。以兵據之。由是西洱諸蠻皆降于吐蕃。吐蕃之地。東接涼松茂。南隣天竺。西陷龜茲。疎勒等四鎮。北抵突厥。地方萬餘里。諸

餉

通鑑綱目 卷四十一 唐高宗永隆元年 正編

胡之盛莫與為比

集覽

西河注見隋文帝開皇十七年

質實

裴炎聞喜人崔

知温鄆陵人河源注見太宗貞觀九年劍南

道名注見晉武帝泰始八年涼松茂嶲四州

名涼注見中宗景龍二年松注見漢後主炎

興元年甘松茂注見漢武帝元鼎六年冉駹

嶲注同上年越嶲天竺西

域國名注同上元狩元年

八月貶李敬玄為衡州刺史

質實

衡州注見宋文帝元嘉十

六年 衡陽

敬玄軍既敗，屢稱疾請還，既至無疾，詣中書視事，上怒貶之。

廢太子賢為庶人立英王哲為皇太子

太子賢聞宮中竊議以賢為天后姊韓國夫人所生，內自疑懼，方士明崇儼以厭勝之術

為天后所信，官至正諫大夫，嘗密稱太子不堪承繼，英王貌類太宗，會崇儼為人所殺，天

后遂疑太子所為，太子頗好聲色，與戶奴狎

昵，天后使人告其事，鞠之於馬坊，得皂甲數

百領，以為反具，上素愛太子，欲宥之，天后不

可，遂廢為庶人，黨與皆伏誅，左庶子張大安

坐阿附左遷，餘皆釋之，左庶子薛元超等皆

舞蹈拜恩，右庶子李義琰獨引咎涕泣，時論

之美

質實

明崇儼洛州人厭勝注見隋文帝開

皇二十年左遷注見漢宣帝元康二

年

書法

弘賢皆武氏所出弘既醜死賢又廢黜殘忍一至於此蓋凶悍之性乃其所素有者故始焉扼殺其女以陷王后而終焉廢殺二子以逞其欲婦人陰險可畏未有若是之甚者書廢不書罪高宗雖素所鍾愛欲宥之而不可則亦具位焉爾可勝嘆哉

冬十一月朔日食

辛巳 **開耀** 元年春正月宴百官及命婦於麟德殿

士氣

以立太子宴百官及命婦于宣政殿引九部伎及散樂自宣政門入太常博士袁利貞上疏以為正寢非命婦宴會之地路門非倡優進御之所請命婦會於別殿九部伎自東西門入而停散樂上乃更命置宴於麟德殿賜利貞帛百匹利貞族孫誼為蘇州刺史自以其先宋太尉淑以來盡忠帝室琅邪王氏雖奕世台鼎而為歷代佐命耻與為比嘗曰所貴於名家者為其世篤忠貞才行相繼故也彼鬻婚姻求祿利者又烏足貴乎

集覽

正寢即路寢也注見漢元帝竟寧元年路門顏師古曰路大也大寢門也天子宫內有路寢故曰路門禮天宮闈人掌守王宮之中門之禁鄭司農云王之門有五其外曰臯門二

通鑑綱目

卷四十一 唐高宗開耀元年

五

正編

曰雉門三曰庫門四曰應門五曰路門奕世台鼎奕世猶言累代也三公上應台階鼎足

承君故質實宣政殿注見憲宗元和十四年曰台鼎倡優注見隋文帝開皇二十年

麟德殿注見憲宗元和十四年宣政袁利貞陽夏人湛之族孫蘇州注見漢獻帝建興三

年宋太尉叔以來盡忠帝室謂袁淑袁粲事在宋文宋順二帝時琅邪王氏奕世台鼎謂

王導王弘事在晉元宋武二帝時鬻婚姻求利祿者謂宋之褚淵王儉輩

書法唐以來書宴多矣未有及命婦者宴命婦於殿上天后之仇也故謹志之

終綱目書宴十六大宴一詳漢高帝五年書及命婦者一而已矣是年

書法高宗柔懦不君而牽於愛慾故其所為大率皆類婦人女子然而宴之設特為武氏而已儻止宴百官則武氏無預必宴及命婦則武氏預矣此固當時之意也而亦綱目書法之意也

進
三月郝處俊罷○以劉仁軌為太子少傅考異

提要少
作太

少府監裴匪舒善營利奏賣苑中馬糞歲得錢二十萬緡上以問劉仁軌對曰利則厚矣

恐後代稱唐家賣馬糞非嘉名也乃止匪舒又為上造鏡殿上與仁軌觀之仁軌驚趨下

仁軌將相
全才以鏡

通鑑綱目 卷四十一 唐高宗開元元年 正編

殿譎諫更
有微意

通鑑綱目 卷四十一

殿上問其故對曰天無二日土無二主適視四壁有數天子不祥孰甚焉上遽令別去

秋七月太平公主適薛紹

考異 太上漏以字

紹母太宗女城陽公主也紹兄顓以公主寵盛深憂之以問族祖戶部郎中克構克構曰帝之尚主國家故事苟以恭慎行之何傷然諺曰娶婦得公主無事取官府亦不得不懼也胡氏曰士大夫有志節者多不肯連姻天家而帝女下嫁必妙選各士若各從所欲則無可以成婚矣然舜由匹夫為天子婿能使二女率循婦道此則尚主之法式也然必也公主有父母師傳之訓如太宗宣宗不驕其女而為之婿者德行行乎閨門使帝女不敢

以貴富輕忽夫家交得其道其何美如之不然殆難免於薛克構之言矣 **質實** 城

公主城陽縣名注見漢獻帝建安二年公主初嫁杜荷坐太子承乾事誅再適薛瓘生子紹顓天家注見肅宗上元二年尚主注見晉安帝隆安五年

書法

公主下嫁書以此其不書何許與行不同時也許與行不同時書其行而已故不書以者皆書適日遠甚者兩書之代宗永樂綱目公主下嫁不書以者五高

宗太平中宗安樂玄宗永穆宣宗乃壽懿宗同昌

以裴炎為侍中崔知溫薛元超為中書令○徵

通鑑綱目 卷四十一 唐高宗開耀元年 正編

通鑑綱目 卷四十一
處士田游巖為太子洗馬

游巖隱居泰山，上東封嘗幸其廬，徵為洗馬，無所規益。右衛副率薛儼以書責之曰：「足下負巢中之峻節，傲唐虞之聖主，屈萬乘之重，申三顧之榮，將以輔道儲貳，漸染芝蘭，耳皇太子春秋鼎盛，聖道未明，足下乃唯唯而無一談悠悠，以卒年歲，何以塞聖主調護之寄乎？」游巖不能答。
集覽 巢中注見新莽始建國三年三草廬 **質實** 處士注見周赧王元年田游巖三之中 原人泰山注見秦始皇二十八年
洗馬 官名注見晉
孝武帝泰始二年

裴行儉討突厥阿史那伏念降之

初裴行儉軍還，突厥阿史那伏念自立為可汗，與阿史德溫傅連兵為寇，詔復以行儉為定襄道大總管討之。副總管曹懷舜引兵至長城北橫水，遇伏念，伏念乘便風擊之，大敗。行儉軍於代州之陘口，多縱反間，由是伏念溫傅浸相猜貳，伏念留妻子輜重於金牙山，以輕騎襲曹懷舜。行儉遣裨將程務挺掩金牙，取之，伏念還失其妻子輜重，士卒多疾疫，乃引兵北走。行儉又使務挺等追躡之，伏念恃遠不設備，軍到狼狽，遂執溫傅以降。行儉盡平突厥餘黨，以伏念溫傅歸京師，斬於都市。初行儉許伏念以不死，故降。裴炎疾行儉

之功、奏言伏念為回紇所逼、窮窘而降耳、遂誅之、行儉、歎曰、渾濬爭功、古今所耻、但恐殺降無復來者。
〔集覽〕渾濬爭功、晉王渾王濬伐因稱疾不出。
〔質實〕吳降後、渾濬奏濟失二人、由是交惡。
〔質實〕突厥北狄國名、注見可汗、夷狄君長之號、注見漢後主景耀四年、長城、注見太宗貞觀十五年、代州、注見秦王政三年、鴈門、陜口、陜山之口、注見晉安帝義熙二年、多縱反間、注見周赧王三十六年、程務挺、洛州平恩人名、振之子。

冬十月朔日食 〔質實〕

〔日食〕注見新莽天鳳元年

○徙故太子

賢於巴州 〔質實〕

〔巴州〕注見梁武帝天監四年

壬午 永淳元年春二月立皇孫重照為皇太孫 〔考〕

〔異〕立下皇字、羨據前後封立書其屬、皆不加皇字

上欲令開府置僚屬、問吏部郎中王方慶、對曰、未聞太子在東宮、而更立太孫者、也。上曰、自我作古、可乎？對曰、三王不相襲禮、何為不可？乃奏置師傅等官、既而上疑其非法、竟不補。 〔集覽〕不相襲禮、襲因也、不相襲、則有損益、授 〔集覽〕不相襲禮、襲因也、不相襲、則有損益、記樂記曰、五帝殊時、不相沿樂、三王異世、不相襲禮。

方慶、茂禮、諛君

書法

書立太孫再矣晉臨淮王臧齊昭業皆太子卒者也太子在而立太孫非

矣綱目書立太孫三惟此為譏辭

發明

高宗制于晨牝雖愛子且不能保又何有於乃孫哉他時重照不得良死

蓋原於此况既有太子又立太孫固無謂也書之于冊亦譏之爾

夏四月朔日食○關中饑上幸東都

考異

上幸當作

帝如

上以關中飢饉米斗三百將幸東都留太子監國使劉仁軌薛元超輔之時出幸倉猝扈

從之士有餓死者上慮道路多草竊命監察御史魏元忠檢校元忠閱赤縣獄得盜一人神采語言異於眾命釋桎梏襲冠帶乘驛以從與共食宿託以詰盜比及東都士馬萬數不一錢

集覽

草竊書微子好草竊奸宄注草竊草野中竊盜也檢校謂檢校車駕

前後赤縣中國名曰赤縣神州張衡靈憲曰崑崙東有南赤縣之州風雨有時寒暑有節苟非此土南則多暑北則多寒東則多陰故聖人不處焉

質實

倉猝急遽貌桎梏刑具名注見宋明

帝泰始元年

聞喜憲公裴行儉卒

考異

按崩葬例曰秦漢以後王侯死皆曰卒賢

者則注公謚曰某注曰謚非生者之稱而通鑑以謚加於薨卒之上亦非是則此當書聞喜公裴行儉卒注云謚曰憲今考太宗賢臣如魏徵房玄齡李靖高士廉等並不書謚

考證

當去憲字分注謚曰憲○謹按凡例曰謚非生者之稱通鑑以謚加於薨卒之上者非是今當正之故當於提要去謚號而分注於其下後皆倣此

行儉知人

辨

行儉有知人之鑒初王勃與楊炯盧照隣駱賓王皆以文章有盛名李敬玄尤重之行儉曰士之致遠者當先罷識而後才藝勃等雖有文華而浮躁淺露豈享爵祿之罷邪揚子稍沈靜應至令長餘得令終幸矣既而勃墮水炯終於盈川令照隣惡疾赴水死賓王反

行儉器識

行儉得人

誅行儉為將帥所引偏裨如程務徒張虔勗王方翼劉敬同李多祚黑齒常之後多為名將破阿史那都支得馬腦盤廣二尺餘以示將士軍吏捧以升階跌而碎之惶恐叩頭流血行儉笑曰爾非故為何至於是。不復有追惜之色。詔賜都支等資產金罷三千並分給親故偏裨。**集覽**聞喜縣名在河東今解州聞數日而盡。**質實**聞喜縣名注見晉孝武帝太元十一年王勃龍汲引裨音皮偏裨副貳之將。門人楊炯華陰人盧照隣范陽人駱賓王義烏人盈川縣名唐析龍游縣置之尋省入西安縣故址在衢州府城南九十一里李多祚其先靺鞨酋長貞觀初入降中國賜姓李氏

書法

卒未有書謚者此其書謚何予行儉也曷為予之行儉嘗論昭儀之立為禍始是以予之故李勣行儉皆功臣也勣不具官而行儉書謚一予一奪其示臣子之大節嚴矣入綱目以來大臣卒謚自行儉始唐臣卒書爵謚者五行儉姚崇蘇頌李光弼韋臯官謚者一楊綰官爵謚者五狄仁傑宋璟李晟馬燧裴度號官爵謚者一郭子儀官爵者二李泌渾瑊具官者二崔祐甫韋處厚

安西都護王方翼破西突厥平之

阿史那車簿圍弓月安西都護王方翼引軍救之破虜衆於伊麗水三姓咽麴與車簿合

兵拒方翼方翼與戰於熱海分遣裨將襲破之擒其酋長三百人西突厥遂平方翼徵入議事竟以廢后近屬不得用而歸

集覽

安西都護杜甫詩安西都護胡青驄注云

唐安西郡東接焉耆去交河七百里南隣吐蕃西連疏勒去蔥嶺七百里北拒突厥貞觀初置安西都護府於西州顯慶中移治龜茲城按舊史貞觀十四年平高昌以其地置西州建安西都護府撫寧西域統龜茲于闐焉耆疎勒四國故謂之四鎮弓月西域國名也又突厥中有弓月城熱海在

正誤

三姓咽麴集覽無注

○今按三姓咽麴鐵勒別部之號也地傍疑海通鑑前云九姓鐵勒一部為一姓三姓咽

麴又其小者咽

質實

一統志云熱海在亦力把力國東周迴數百里

夷呼為亦息渴兒酋長
注見漢帝玄更始二年

以郭待舉岑長倩郭正一魏玄同並中書門下

同承受進止平章事

上欲用待舉等謂中書令崔知溫曰待舉等資任尚淺且令預聞政事未可與卿等同名自是外司四品以下知政事者始以平章事為名先是玄同為吏部侍郎上言曰人君之體當委任而責成功所委者當則所用者自精矣周穆王命伯冏為太僕正曰慎簡乃僚

玄同此疏極得用人之法

是使羣司各自求其小者而天子命其大者也漢氏得人皆自州縣補署五府辟召然後升於天朝魏晉以來始專委選部夫以天下之大士人之眾而委之數人之手用刀筆以量才案簿書而察行借使平如權衡明如水鏡猶力有所極照有所窮况所委非人而有愚闇阿私之弊乎願畧依周漢之規以救晉魏之失疏奏不納

質實

岑長倩鄧州棘

陽人文本從子郭正一定州鼓城人魏玄同定州人周穆王命伯冏為太僕正曰慎簡乃僚周穆王名滿昭王之子伯冏其臣也事詳周書冏命篇

發明

宰相之稱至是愈益舛矣書同承受進止殆與奔走小臣無異其何以經

邦論道師
長百僚乎

五月洛水溢關中旱蝗

東都霖雨洛水溢溺民居千餘家關中先水
後旱蝗繼以疾疫米斗四百兩京間死者相
枕於路 **質實** 洛水注見漢高后三年關中
人相食 注見玄宗開元十一年京兆

秋七月作奉天宮

上既封泰山欲遍封五嶽作奉天宮於嵩山
之南監察御史裏行李善感諫曰陛下封泰
山告太平致羣瑞與三皇五帝比隆矣數年
不稔餓殍相望四夷交侵兵車歲駕陛下宜

賢

恭默思道以禳災譴更廣營宮室勞役不休
天下莫不失望上不納自褚遂良韓瑗之死
中外以言為諱幾二十年及善感始諫天下
皆喜謂之鳳鳴朝陽上遣宦者緣江徙異竹
所在縱暴荆州長史蘇良嗣囚之上疏切諫
以為致遠方異物煩擾道路恐非聖人愛人
之意上手詔慰 **集覽** 監察御史裏行李善感
諭令棄竹江中 之官稱太宗朝始有此
名初馬周起布衣詔令于監察御史裏行後
專以裏行名官至武后時又置殿中裏行鳳
鳴朝陽詩卷阿篇鳳凰鳴矣于彼高岡梧桐
生矣于彼朝陽箋云鳳凰鳴于山脊之上者
居高視下觀可集也喻賢者待禮乃行翔而
後集爾雅釋山曰山東曰朝陽注云旦即見

日也故

質實

五嶽張九韶曰山之尊者曰嶽

曰朝陽東嶽曰泰山在濟南府泰安州北五里南嶽曰衡山在衡州府衡山縣西三十里西嶽曰華山在西安府華陰縣南一十里北嶽曰恒山在真定府曲陽縣西北一百四十里中嶽曰嵩山在河南府登封縣北一十里一統志云奉天宮在河南府登封縣嵩山南嵩山注見中宗嗣聖十二年恭默思道商書說命篇文荆州注見漢獻帝建安十三年南郡蘇良嗣武功人世長之子

零陵王明自殺

初曹王明以太子賢黨降封零陵王黔州安置至是都督謝祐希天后意逼使自殺上深

惜之黔府官屬皆坐免官祐後寢於平閣夜失其首及明子後為天后所殺有司籍其家

得祐首漆為穢器題云謝祐乃知明子使刺客取之也

質實

零陵縣名注見漢平

帝元始五年黔州注見高祖武德三年

召薛元超赴東都

太子頗事遊畋元超上疏規諫上聞之遣使者慰勞召赴東都

冬十月以劉景先同平章事○突厥骨篤祿寇

并州薛仁貴大破之

賢

仁貴威伏
突厥

突厥餘黨阿史那骨篤祿阿史德元珍等招集亡散據黑沙城反寇并州代州都督薛仁貴將兵擊之虜問唐大將為誰應之曰薛仁貴虜曰吾聞仁貴流象州死久矣何給我也仁貴免胄示之面虜相顧失色下馬列拜稍稍引去仁貴因奮擊大破之

質實 并州

注見齊明帝建武三年代州注見秦王政三年鴈門象州注見顯慶二年

以婁師德為河源軍經畧副使

吐蕃寇河源師德將兵擊之於白水澗入戰八捷上以師德為比部員外郎左驍騎郎將克使曰卿有文武材勿辭也

集覽

比部比頻脂反唐舊制天下金帛皆貯左藏比

部覆其出入掌內外諸司公廨及勾覆錢物後嘗改為司計克使克經畧副使也

癸未 **弘道** 元年春二月突厥寇定州圍單于都護

府○李義琰致仕

義琰改葬父母使其舅氏遷舊墓上聞之怒曰義琰倚執陵其舅家不可復知政事義琰不自安以疾求去許之范氏曰高宗貴義琰當矣然已以讒殺其舅何以責臣下之薄于母黨乎

書法

義琰求退以上怒也其得書致仕何義琰正人也故綱目特予之

崔知溫卒

書法 凡卒不具官貶也唐諸臣卒不具官者四十而高宗之世十有三詳太宗

貞觀三年當時之執政可知矣

發明 綱目於人臣之卒或爵或不爵不惟足以見才品功業之高下亦足以見

當時朝廷之盛衰姑以唐言之高祖朝二人杜伏威書吳王竇威不書爵太宗朝十有六人其不書爵者杜淹裴寂封倫三人而已岑文本不書爵而書代者之爵至高宗朝亦有十六人而書爵者五於五人之中其三則前朝舊臣張行成尉遲敬德褚

遂良是也若高宗所用之人獨張文瓘裴行儉而已何太宗朝書爵五如是之多而高宗朝如是之少耶夫武氏制朝大臣具位凡陳力就列者初無功績之可紀故綱目於其卒也皆削其官以貶之爾不然綱目何獨厚於房杜王魏諸公而獨惡於姜恪闔立本來恒崔知溫輩哉觀者試思之

○夏四月綏州步落稽作亂討平之

步落稽白鐵余埋銅佛於地中久之草生其上給鄉人曰吾於此數見佛光集眾掘地果得之因曰得見聖佛者百疾皆愈遠近赴之數年歸信者眾遂謀作亂據城平縣稱皇帝

貞觀元年

正編

置百官遣右武衛將軍程務挺與王方翼討之擒鐵余餘黨悉平

質實

注見綏州

周顯王三十五年雕陰步落稽北狄種名注見梁武帝中大通三年城平縣莫詳處所或謂卽昇平縣未知是否按昇平縣乃唐初所置屬坊州宋熙寧初省爲鎮故址在延安府宜君縣西北二十五里

五月突厥寇蔚州

突厥阿史那骨篤祿等寇蔚州殺刺史李思儉豐州都督崔智辯將兵邀之爲虜所擒朝議欲廢豐州司馬唐休璟上言豐州阻河爲固居賊衝要自秦漢以來列爲郡縣土宜耕

備邊

牧貞觀之末募人實之西北始安今廢之則河濱之地復爲賊有靈夏等州人不安業非國家之利也乃止

質實

蔚州注見楚義帝元年代國豐州注見漢宣帝甘露二年

秋七月詔以來年有事於嵩山冬十一月詔罷

之

詔罷封嵩山上疾甚故也上苦頭重不能祀召侍醫秦鳴鶴診之請刺頭出血可愈天后不欲上疾愈怒曰此可斬也乃欲於天子頭刺血上曰但刺之未必不佳乃刺二穴上曰

通鑑綱目

卷四十一 唐高宗弘道元年

七

正編

吾目似明矣，后舉手加額曰：天賜也，自負綵百匹以賜鳴鶴。

書法

書詔罷之何譏也何譏封泰山非也封嵩山益非也以疾甚罷之則亦不足美矣故三詔封嵩岱三罷之皆不書龍朔二年儀鳳元年朔露元年於末也特書

譏之然則太宗之罷封禪書星孛於太微此以疾甚罷則曷為不書故十一月書罷之十二月書大喪則其故可知矣

詔太子監國以裴炎劉景先郭正一兼東宮平

章事

質實 東宮注見宋文帝元嘉二十七年

書法

東宮有平章始見于此

書法

東宮有平章始見于此

○十二月帝崩太子即位尊天后為皇太后考

異 提要當作太子哲即位

上疾甚夜召裴炎入受遺詔而崩遺詔太子即位軍國大事有不決者兼取天后進止中宗即位尊天后為皇太后政事成取決焉

書法

賀善贊曰高宗在位三十四年綱目書濮王開府書罪獻鷹犬皆予之也

自書武氏為昭儀而後其可予者惟幸涼州不果行一事耳若其瀆亂人倫委政房

闕幾貽宗社之禍可勝罪哉

以劉仁軌為左僕射裴炎為中書令劉景先為

侍中

故事宰相於門下省議事謂之政事堂及裴炎遷中書令始遷政事堂於中書省

郭正一罷

睿宗皇帝 元年 二月 太后光宅 元年 考

中宗自高宗時封周王又徙封改名哲武后時復名

異 按統系例曰篡賊謂篡位于統而不及傳世者注云如漢之呂后王莽唐之武后據漢呂

僭立二十一年號則天順聖皇帝

后稱制每歲首分注高皇后呂氏某年此當分注太后武氏光宅元年後凡分注年號皆當作

太后武氏

書法 於是太后以二月廢帝立睿宗改元文明九月太后改元光宅不紀光宅

黜武氏也曷為不以文明大書不與武氏之得廢立也故從唐鑑以嗣聖紀年而每

歲書帝在某州

發明 昔范公祖禹修通鑑分職唐史著為唐鑑一書取法春秋黜武氏之號繫

嗣聖之年而通鑑則本之唐史列武氏於本紀即以光宅紀元自後盡用武氏之號

今綱目止以嗣聖紀年終武氏世是雖與范氏相出入要亦求其是而已夫中宗國之正統武氏無故廢之甚至革命易姓無異莽操所為然天下猶唐之天下武氏安得而絕之綱目繫嗣聖而黜光宅所以扶三綱立人極示天下以正大之義使後世賊亂之徒無以自立於天下爾或曰呂后制朝何不繫惠帝之年曰惠帝既沒固無年之可紀况呂后又取他人子名為惠帝子而立之故綱目但以兩行分注紀呂氏之年已足見其非正統之意固不得與中宗尚在者為比而得以繫嗣聖之號也

春正月立妃韋氏為皇后○以韋弘敏同三品

○二月太后廢帝為廬陵王立豫王旦 考異 按

系例注篡賊事亦連書但每歲首及有異事處一加其名據王莽歲首事冠其名下無異事連書者不冠以名此當書太后武氏廢帝而其下以馮元常為驩州刺史在温州大水葬乾陵之下改元及服色官名在括州大水之下殺侍中裴炎在李孝逸擊李敬業之下以崔晉韋方質同平章事在李景謚罷郭待舉罷之下事各冠以武氏而削太后二字餘無異事者並不必加武氏字後並做此庶幾與凡例不相戾也

中宗欲以后父韋玄貞為侍中裴炎固爭中宗怒曰我以天下與韋玄貞何不可而惜侍

成識

中邪炎懼白太后密謀廢立太后集百官於乾元殿勒兵宣令廢中宗為廬陵王中宗曰我何罪太后曰汝欲以天下與韋玄貞何得無罪乃幽於別所立豫王旦為皇帝妃劉氏為皇后永平王成器為太子廢太孫重照為庶人改元文明旦居別殿不得有所預政事皆決於太后有飛騎十餘人飲於坊曲一人言鼻知別無勳賞不若奉廬陵一人起告之座未散皆捕繫羽林獄言者斬餘皆絞告者除五品官告密之端自此興矣胡氏曰世觀中宗之廢者徃徃歸咎武氏而不知事起裴炎也炎但知玄貞與政必與已分權不若倚后為重而不為唐室遠慮以啟革命

集覽

坊曲

告密之始

歸獄裴炎

街坊巷曲也巷一曰里曲者里之一曲如韋曲杜曲也東京夢華錄東京平康巷一曰平康里自城北門而入

質實 廬陵縣名注見漢獻帝建安三年豫東回三曲妓樂所居

王旦 豫州名注見漢光武建安十九年汝南旦高宗第八子永平王成器永平縣名隋初所置屬始安郡唐因之宋開寶中省入平樂縣故址在平樂府城東北成器睿宗長子

書法 不書迎旦入即位何據漢諸帝不予書豫王旦是禍也裴炎激之

發明

裴炎白太后而謀廢立然綱目止歸惡太后者何也武氏包藏禍心竊窺

神麗已非一日縱使裴炎不為此謀中宗亦必無久安之理故綱目深探本情直書太后而不及裴炎者亦所以原其實也

太后以劉仁軌為西京留守

仁軌上疏辭以衰老不堪居守因陳呂后禍敗之事以申規戒太后璽書慰諭之

實 璽書注見漢光武建武三年呂后禍敗之事詳見漢高后八年

發明 綱目凡統繫于一者直書以某人為某官是時中宗既廢雖立豫王其實國政初無所預故每事必揭太后於上明天下事制於太后也然不黜之者社稷猶

繫乎唐而武氏猶為唐之太后故也至他日革命則非矣綱目亦豈輕於絕人哉

太后始御紫宸殿

質 紫宸殿注見憲宗元和十四年宣政

太后御武成殿皇帝帥王公以下上尊號自是太后常御紫宸殿施黻紫帳以視朝

書法 曷為不書臨朝臨朝常辭也書御紫宸殿則儼然帝矣

太后以王德真為侍中劉禕之同三品

太后殺故太子賢

初太后命將軍丘神勣詣巴州檢校故太子賢宅以備外虞風使殺之至是神勣逼賢自

殺太后乃歸罪神勣貶之而追封賢質實州巴

為雍王尋復以神勣為金吾將軍質實

注見梁武帝天監四年雍縣名注見周顯王八年

夏四月太后遷帝于房州又遷于均州質實州房

注見漢獻帝建安二十四年房陵均州注見晉元帝建武元年武當

○閏五月太后以武承嗣同三品

○秋七月溫州大水質實

溫州注見漢惠帝三年東甌流四千餘家

八月葬乾陵質實州一統志云乾陵在西安府乾

州西北五里梁山與武后合

○太后以馮元常為隴州刺史

初尚書左丞馮元常為高宗所委常密言中

宮威權太重宜稍抑損高宗不能用及太后

稱制四方爭言符瑞嵩陽獻瑞石元常奏言

狀涉誣詐不可誣罔天下太后不悅出之

質實隴州注見漢光武建武六年汧馮元常安陽人嵩陽縣名注見隋煬帝大業十

年三

武承嗣罷○括州大水

通鑑綱目 卷四十一 唐中宗嗣聖元年 正編

流二千餘家

書法

大水何陰盛之徵也。太后始為昭儀，則書萬年宮。大水，繼書恒州。大水，為皇后，則書括州。海溢，至是御殿，則書温州。大水，括州大水，然則武氏禍水也。土之不勝，有自來矣。綱目屢書不一書，所以示後世戒也。

九月太后改元及服色官名

太后改元光宅，旗幟皆從金色，八品服碧，東都為神都，尚書省為文昌臺，僕射為左右相，六曹為天地四時六官，門下省為鸞臺，中書省為鳳閣，侍中為納言，中書令為內史，御史

臺分為左右肅政臺，其餘悉以義類改之。

質實

神都注見秦莊襄王元年三川

書法

旗幟從金色耳，書改服色何誅意也。金土子也，其欲代唐之意昭昭矣。

太后立武氏七廟

武承嗣請追王其祖，立武氏七廟。太后從之。裴炎諫曰：太后母臨天下，當示至公，不可私於所親，獨不見呂氏之敗乎？太后曰：呂氏以權委生者，故敗。今吾追尊亡者，何傷乎？對曰：事當防微，杜漸不可長耳。太后不從。追尊五代祖為公，妣為夫人，高曾祖考為王，妣皆為妃。胡氏曰：哀哉裴炎之愚也。人主一言之失，即勸女主廢之，而戒以防微，杜漸，事尚有微

漸於廢君者乎質實七廟注見楚義帝元年

書法 追贈其祖可也為之立廟亦可也而必七焉則已帝制矣綱目別嫌明微

故謹書之

英公李敬業起兵揚州太后遣將軍李孝逸擊

之

時諸武用事唐宗室人人自危衆心憤惋會柳州司馬英公李敬業及弟敬猷唐之奇駱賓王杜求仁魏思溫皆失職怨望乃謀起兵遂矯詔殺揚州長史開府庫赦囚徒旬日間

直令武媚顏胆俱落快絕千古

得勝兵十餘萬復稱嗣聖元年敬業自稱匡復上將復求得貌類漢王賢者置之軍中云賢不死逃至此令其舉兵移檄州縣畧曰偽臨朝武氏者人非溫順地實寒微昔充太宗下陳嘗以更衣入侍洎乎晚節穢亂春宮密隱先帝之私陰圖後庭之嬖踐元后於翬翟所陷吾君於聚麀殺姊屠兄弑君鳩母人神之君之愛子幽之於別宮賊之宗盟委之以重任一抔之土未乾六尺之孤何在太后見之問誰所為或對曰駱賓王太后曰宰相之過也人有如此才而使之流落不偶乎遣左玉鈐衛大將軍李孝逸將兵三十萬以討敬業追削其祖考官爵發冢斲棺復姓徐氏

覽太宗下陳以武后嘗克太宗才人故曰太宗下陳李斯傳飾後宮克下陳索隱曰下

陳猶後列也晏子云有二女願得入身於下陳是也楚辭班婕妤自悼賦登薄軀於宮闕

今克下陳於後庭穢亂春宮職林太子故事東宮謂之春宮先高宗為太子時入侍太宗

見武氏而悅之故曰穢亂春宮鞏翟注見陳宣帝太建八年禕翟聚鹿記父子聚鹿注聚

共也牝鹿曰鹿**質實**一統志云柳州本秦桂林郡地漢屬鬱林郡三

不偶猶言不遇國吳復屬桂林郡後又析置馬平郡梁大同間兼置龍州治龍江南隋開皇中廢郡徙州

治江北尋廢以馬平縣置象州大業初州廢以其地屬始安郡唐為昆州治馬平縣尋改

南昆州貞觀中始改柳州屬嶺南道天寶初

改龍城郡乾元初復為柳州光化後為楚馬

氏所據五代時屬南漢宋仍為柳州屬廣南

西路咸淳初徙治柳城縣之龍江元至元中

改置柳州路本朝改為柳州府徙治馬平

縣隸廣西道李敬業曹州離姑人勸之孫揚

州注見漢武帝

元朔五年淮南

書法

書起兵何惡武氏也故敬業書爵而孝逸止書擊其殺之不書誅

發明

廢君天下之大惡人神之所同憤天下有能討之者討之可也敬業為是

舉兵其名正矣然曷不書討敬業等本以失職怨望非真有討亂之心故書爵書起

兵姑卽此以正武氏之罪而非以是予敬業也使其果能以興復爲心奮不顧身則必以討書之矣

太后殺侍中裴炎以騫味道爲內史李景謏同

平章事

武承嗣與從父弟三思以韓王元嘉魯王靈夔屬尊位重屢勸太后因事誅之太后謀於執政裴炎固爭及李敬業舉兵太后問計於炎對曰皇帝年長不親政事故豎子得以爲辭若太后反政則不討自平矣承嗣因使監察御史崔暉言炎有異圖太后命左肅政大

夫騫味道鞠之鳳閣舍人李景謏證炎必反劉景先胡元範明其不反遂并下獄以騫味道檢校內史李景謏平章事斬裴炎於都亭籍沒其家無甌石之儲景先等流貶有差炎弟子太僕寺丞仙先年十七上封事求見曰陛下爲李氏婦先帝棄天下遽覽朝政變易嗣子疎斥李氏封崇諸武伯父忠於社稷反誣以罪戮及子孫陛下所爲如是臣實惜之陛下早宜復子明辟高枕深居則宗族可全不然天下一變不可復救矣太后怒命於朝堂杖而流之炎之下獄也郎將姜嗣宗使至長安劉仁軌問以東都事嗣宗曰嗣宗覺裴炎有異於常久矣嗣宗還仁軌附表言嗣宗知裴炎反不言太后殺之胡氏曰能權輕重



然後可以當國家之大事韋玄貞為侍中雖曰外戚然有長孫無忌前例亦未遽至擅權而亂國也中宗雖下愚炎與玄貞及劉仁軌劉禕之徒左提右挈雖排太后不預外事可也然炎既自黨于太后又欲使之歸政睿宗以收公議其將能乎

集覽 伯先伯讀與胄同復子明辟注見漢孺子嬰初始元年長孫無忌前例無忌亦外戚也高宗時許敬宗誣以謀反削爵置于黔州卒

質實 韓王元嘉韓州名注見高祖武德八年元嘉高祖之子魯王靈夔魯郡名注見漢獻帝與平二年靈夔高祖之子甌石之儲注見漢桓帝延熹五年家無擔石社稷注見新莽天鳳元年長安縣名注見漢惠帝五年

書法

裴炎何首廢君之禍者也曷為不書則書官何炎始自侍中遷中書令未幾日耳其私心固不欲玄貞之得其處也故力爭之遂激廢立之禍及敬業兵起始請歸政豫王以收公議由是忤旨綱目書殺以罪太后而炎則黜官而特書侍中以追罪其始者一念之私故雖此時已改侍中為納言不書納言書侍中綱目之旨微而顯矣

發明

裴炎首發廢君之禍盍正其誅然而書殺書爵者武氏殺之故也

李敬業取潤州李孝逸擊殺之

有此事機
坐而失之
可惜可惜

初魏思溫說李敬業曰明公以匡復為辭宜
帥大衆鼓行而進直指洛陽則天下知公志
在勤王四面響應矣薛仲璋曰金陵有王氣
且大江天險足以為固不如先取常潤為定
霸之基然後北向以圖中原進無不利退有
所歸此良策也思溫曰山東豪傑以武氏專
制憤惋不平聞公舉事皆蒸麥為糧伸鋤為
兵以俟南軍之至不乘此勢以立大功乃更
蓄縮欲自謀巢穴遠近聞之其誰不解體敬
業不從將兵攻潤州思溫謂杜求仁曰兵勢
合則疆分則弱敬業不并力度淮收山東之
衆以取洛陽敗在眼中矣敬業遂行取潤州
聞李孝逸將至回軍拒之屯下阿溪使敬猷
逼淮陰韋超屯都梁山孝逸軍至臨淮戰不

與灌嬰連
和齊王事
相反惟其
不明于人
義也

利監軍御史魏元忠曰天下安危在茲一舉
今大軍久留不進萬一朝廷更命他將以代
將軍將軍何辭以逃逗撓之罪乎孝逸乃引
軍而前元忠請先擊敬猷諸將曰不如先攻
敬業敬業敗則敬猷不戰自擒矣若擊敬猷
敬業救之是腹背受敵也元忠曰不然賊兵
盡在下阿烏合而來利在一決敬猷不習軍
事其衆單弱大軍臨之駐馬可克我克敬猷
乘勝而進雖有韓白不能當其鋒矣孝逸從
之引兵擊敬猷敬猷走敬業勒兵阻溪拒守
元忠言於孝逸曰風順荻乾此火攻之利敬
業置陳既久士卒多疲倦陳不能整孝逸進
擊之因風縱火敬業大敗輕騎走將入海孝
逸追之其將王那相斬敬業等首來降餘黨

皆捕得傳首神都陳嶽論曰敬業苟能用魏思温之策直指河洛專以匡復為事縱軍敗身戮亦忠義在焉而妄希金陵王氣是真為叛逆不敗何待胡氏且元忠智謀誠可為世用而不知所以自用用於女主之朝可謂不待價而沽者也其言曰天下安危繫此一舉使敬業而敗則武后愈安何繫於唐室然則將不令孝逸拒之乎曰君子見幾而作不俟終日元忠有遠見宏畧者永淳弘道之間誠自晦而去上也至是鋒穎已見難乎其卷而懷之矣然位未高而寵祿淺有道以遠迹猶賢乎知進而不知退也

集覽

都梁山注

白漢韓信秦白起皆良將也

質實

洛陽縣名注見周顯王三年勤王注見漢獻帝

建安元年金陵郡名注同上興平二年常潤二州名常注見隋煬帝大業十二年潤注見晉成帝咸和三年京口淮水名注見漢後主延興二年淮陰縣名注見漢獻帝建安元年一統志云都梁山在鳳陽府盱眙縣東南五十里山廣袤甚遠隋建都梁宮于此山產都梁香草故名臨淮郡名注見新莽天鳳五年

書法

書取潤州何志敬業所以敗也敬業本起揚州并兵渡淮直指洛陽易耳乃反南圖常潤義氣索然矣有不敗乎

發明 敬業既以興復為詞自宜直指河洛而乃妄希王氣故綱目先書取潤州以定其罪繼書擊殺以正其死也雖然敬業是時已追削官爵復姓徐氏故唐史及通鑑皆以徐敬業稱之今綱目止書李敬業者李勣受姓於唐武氏廢君之賊不得而易之也綱目之立法如此孰謂其徒史而已乎

李景謚罷太后以崔暉同平章事○郭待舉罷太后以韋方質同平章事○太后殺單于道安撫大使程務挺

初裴炎下獄務挺密表申理至是或譖務挺與炎及敬業通謀太后遣使即軍中斬之突厥宴飲相慶太后以王方翼與務挺相善流崖州而死

質實 崖州注見漢武帝元

鼎六年珠厓

乙酉二年春正月帝在均州

書法 每歲首必書帝所在存正統也

發明 昔季氏逐其君春秋每歲必書公所者本春秋之法也或曰前已書太后廢帝者不予武氏之廢也每歲必書帝之所在

為廬陵王立豫王旦矣。今此所謂帝者，得非豫王耶？曰：非也。何以知之？以下書歸政豫王，且知之也。夫書法之嚴本諸春秋，時已明白，至於書帝所在，或恐疑為豫王，故不得不為之辨，以告後之君子。○丘濟曰：按唐史，臣沈既濟謂魯昭公之出春秋書其居曰：公在乾侯。君雖失位，不敢廢也。每歲之首必書中宗所居，紀稱中宗而事迹武后，范祖禹作唐鑑，非唐書列武后於本紀，故繫嗣聖之年黜武后之號。綱目本此二說於每歲甲子下，大書嗣聖之年，分註武氏年號於其下，終武后世，每歲書帝所在，而武氏行事則以太后書之，可謂萬世之高見矣。說者謂天無二日，民無二王，一

國不容有兩號，武氏既革唐為周，有周則無唐，無唐則無帝矣。同一疆域也，同一時世也，而帝與周同書，豈得無窒礙乎？且是時武后既廢中宗立睿宗，睿宗雖擁虛器，武后未嘗明廢之也。書帝在某處而不著其名，則混而無辨矣。况魯昭公乃列國之君，是時未有年號，昭公雖次于外，季氏專國，猶虛其位以待之，不敢別有所立也。中宗即位僅一月，即立豫王為皇帝，改元文明矣。曾未幾時，武氏自御正朝，行人君事，至于九月，又改元光宅焉。明年又有垂拱之紀，則是中宗既廢之後，別立君矣。屢改元矣，所謂嗣聖之號，僅有再閱月之稱，若仍以其年次第書之，則是假辭以立義，非

紀實也史綱於圈中書唐氏而於其下分書武氏之年以見是時天下雖專制於武氏而實唐之天下雖曰唐之天下而所以專制之者實武氏也及乎每年帝在之書必著其名而使人不疑中宗於睿宗如此則義得其正事不沒其實賊后之罪既得以暴著於天下君臣之義又得以昭明於後世云

○二月太后以武承嗣裴居道韋思謙同三品

質實

韋思謙陽武人

○三月太后遷帝于房州○沈君

亮崔啓武承嗣罷○太后頒垂拱格○太后貶

騫味道為青州刺史

朝士有左遷詣宰相自訴者味道曰此太后處分禱之曰由臣下奏請太后聞之謂侍臣曰君臣同體豈得歸惡於君引善自取乎故有是命

質實

青州注見漢桓帝永康元年

宣帝元康二年

夏五月太后以裴居道為內史流王德真於象

州以蘇良嗣為納言

質實

象州注見高宗顯慶二年

○太后

制百官及百姓皆得自舉

胡氏曰女而自媒求貞女者賤之士而自薦求良士者輕之武后之詔不足論矣而陸宣公通達治體者也乃引以為美談曰當時有得人之稱累朝賴多士之用何也此為德宗猜忌而發非古今之通誼也誠使宰相得人內外長官皆稱其任各舉所知寧憂乏才何必開銜鬻之門陸宣公德宗時陸贄銜鬻廣韻注自銜鬻自媒消廉耻之道乎

集覽

陸宣公德宗時陸贄銜鬻廣韻注自銜鬻自媒

書法

書譏也苟欲干譽而廉耻之道自此盡矣

六月太后以韋待價同三品○秋七月太后以

魏玄同同三品○太后以阿史那元慶為興昔

亡可汗○太后以僧懷義為白馬寺主

懷義得幸於太后太后以為白馬寺主出入乘御馬朝貴皆匍匐禮謁武承嗣三思皆執僮僕之禮以事之懷義多聚無賴少年度為僧縱橫犯法人莫敢言御史馮思勗屢以法繩之懷義遇諸塗令從者歐之幾死太后託言懷義有巧思使入宮營造補闕王求禮表請闈之庶不亂巧思機巧智思也闈之宮闈表寢不出

集覽

巧思機巧智思也闈之宮闈表寢不出

質實

一統志云白馬寺在河南府城東漢明帝時摩騰竺法蘭始自西域以白馬馱

以請闈直刺武后忠直可敬

經來、初止鴻臚寺、遂取寺為名、創置白馬寺、
卽僧寺之始也、匍匐注見齊主寶卷永元元

年縱橫注見周安王十
五年王求禮許州人

書法 寺主耳書太后以何醜之也
自是懷義凡三書太后以

發明 一僧一寺主何必書之
所以著武氏之惡爾

丙三年 拱二年 春正月帝在房州○太后歸政

于豫王旦尋復稱制

太后詔復政事於皇帝、睿宗知太后
非誠心、奉表固讓、太后復臨朝稱制、

書法 晉褚太后嘗歸政矣、後再臨朝不書
復此書復稱制何誅心也、於是豫王

知非誠心、奉表固讓太后、乃復稱制不書
固讓書尋復稱制綱目所以著其心也、終

綱目書太后歸政四詳漢桓帝
和平元年其書尋復稱一而已

發明 前已書立豫王旦則是豫王已為帝
矣、故唐史及通鑑皆以皇帝稱之、然

綱目止書豫王旦者、不予武氏之偽立也、
不然、每歲既書帝之所在、而又以豫王為

帝則名實亂
而無別矣

二月朔日食○太后以李孝逸為施州刺史 **質**

實一統志云施州本春秋時巴國之界戰國為楚巫郡地秦屬黔中郡漢屬南郡三國吳及

晉屬建平郡後周於此置亭州及清江郡隋初郡廢州存大業初改名庸州治清江縣尋改州

為清江郡義寧初改為施州唐以州隸江南道開元間改清江郡天寶初改清化郡乾元初復

為施州宋屬四川夔路元以清江縣省入州屬夔州路本朝初仍置施州屬夔州府及置施

州衛後省州入衛改置施州衛軍民指揮使司屬湖廣都司

孝逸既克李敬業聲望甚重武承嗣等惡而譖之故有是命

三月太后置銅匱受密奏

于是嚴刑以鉗天下之口肆虐

無窮矣

太后自徐敬業之反疑天下人多圖已又自以父專國事內行不正知宗室大臣怨望不

服欲大誅殺以威之乃盛開告密有告密者給馬供食使詣行在所農夫樵人皆得召見

或不次除官無實者不問於是四方告密者鋒起有魚保家者請鑄銅為匱以受天下密

奏其器一室四隔上各有竅可入不可出太后善之未幾其怨家投匱告保家嘗為徐敬

業作兵器遂伏誅胡人索元禮因告密召見擢為游擊將軍令按制獄元禮性殊忍推一

人必令引數千百人於是周興來俊臣之徒效之興累遷至秋官侍郎俊臣至御史中丞

皆養無賴數百人意所欲陷則使數處俱告之辭狀俱同既下獄則以威刑脇之無不誣

酷吏興矣

著以爲經
何其慘毒

通鑑綱目 卷四十一

服又造告密羅織經一卷網羅無辜織成反
狀構造布置皆有支節其訊囚酷法有定百
脉突地吼死猪愁求破家反是實等號中外
畏之甚於虎狼麟臺正字陳子昂上疏曰執
事者疾徐敬業首亂唱禍將息姦源遂使陛
下大開詔獄重設嚴刑有迹涉嫌疑辭相逮
引莫不窮捕考按至有姦人熒惑乘險相誣
糾告疑似與圖爵賞及其窮竟百無一實陛
下仁恕又屈法容之遂使姦惡之黨快意相
讐天下喁喁莫知寧所臣聞隋之末代天下
猶平楊玄感作亂不踰月而敗天下之弊未
至土崩煬帝不悟專行屠戮大窮黨與遂至
殺人如麻流血成澤天下靡然始思爲亂於
是雄傑並起而隋族亡矣前事之不忘後事

之師也伏惟陛下念之太后不聽子昂又嘗
上疏曰朝廷遣使巡察四方或不擇人則黜
陟不明刑罰不中徒使百姓修飾道路送往
迎來無所益也又曰宰相陛下之腹心刺史
縣令陛下之手足未有無腹心手足而能獨
理者皆不可以不擇也又曰天下有危機禍
福因之而生百姓是也百姓安則樂其
生不安則輕其死輕其死則天下亂矣
集覽
魚保家風俗通云魚姓宋公子魚之後鑄銅
爲匱百官制朝堂四匱塗以方色青曰延恩
在東丹曰招諫在南白曰申寬在西黑曰通
玄在北索元禮索姓也音蘇各反喁喁魚容
反漢相如傳延頸舉踵
質實
行在所注見漢
喁喁然注衆口向上也
武帝天漢二年

通鑑綱目

卷四十一 唐中宗嗣聖三年

七

正編

〔蜂起〕注見秦二世二年周興萬年人來俊臣萬年人陳子昂梓州射洪人元敬之子

夏四月太后鑄太儀○六月太后以岑長倩為

內史蘇良嗣韋待價為左右相韋思謙為納言

良嗣為相遇懷義於朝堂懷義偃蹇不為禮良嗣大怒命左右批其頰懷義訴於太后太

后曰阿師當於北門出入〔集覽〕批其頰批篇南牙宰相所往來勿犯也

也或曰側擊也〔北門唐分宦寺為北司故稱北門南牙唐分宰相為南司故稱南牙

秋九月太后以突厥斛瑟羅為繼往絕可汗○

災異

有山出於新豐

文俊直言

雍川言新豐縣東南有山踊出太后改新豐為慶山縣江陵人俞文俊上書言天氣不和而寒暑併人氣不和而疠贅生地氣不和而地氣塞隔而山變為災陛下謂之慶山臣以為非慶也伏惟側身脩德以答天譴不然禍

今至矣太后〔集覽〕疠贅疠與肫通離騷九章怒流之嶺外反離羣而贅肫注贅肫肉

外之餘肉荀子曾未如肫贅莊子附贅縣質肫音都回反聚土曰堆土山曰阜

〔實〕雍州注見玄宗開元十一年京兆新豐縣注見漢成帝鴻嘉元年山即慶山在西安

府臨潼縣東南三十五里唐武后時因風雷湧出此山初高六尺餘漸高至二百餘尺慶山縣注見漢成帝鴻嘉元年新豐江陵縣名注見漢獻帝建安十七年

書法嘗書湧石矣漢後主建興十三年未嘗有書山出者書山出何地道反也卑

者高矣書山出終綱目一而已

進

太后以狄仁傑為冬官侍郎

仁傑為寧州刺史御史郭翰巡察隴右入寧州境耆老歌刺史德美者盈路翰表薦之徵為冬官侍郎

質實寧州注見肅宗上元元年

丁亥四年 太后垂拱三年 春正月帝在房州○三月韋思

謙致仕○夏四月太后以蘇良嗣為西京留守

時尚方監裴匪躬檢校京苑將鬻苑中蔬果以收其利良嗣曰昔公儀休相魯猶能拔葵去織婦未聞萬乘之主鬻蔬果也乃止

集覽拔葵去織婦注見漢武帝建元元年

公儀休之相魯 **質實**尚方監注見漢景帝後元年

太后以裴居道為納言張光輔平章事○太后

殺同三品劉禕之

禕之竊謂鳳閣舍人賈大隱曰太后廢昏立明安用臨朝稱制不如返政以安天下之心大隱密奏之太后不悅或誣禕之受金太后命王本立推之本立宣敕示之禕之曰不經鳳閣鸞臺何名爲敕太后怒賜死禕之初下獄睿宗爲之上疏申理親友皆賀之禕之曰此乃所以速吾死也臨刑沐浴神色自若草謝表立成數紙胡氏曰禕之受知武后位爲宰相有所見面陳之可也况返政大議乎而與人言之不知害成之戒也雖然不經鳳閣鸞臺何名爲敕此則宰相之言也

秋七月太后以魏玄同爲納言○突厥寇朔州

太后遣黑齒常之擊之

突厥骨篤祿寇朔州太后遣黑齒常之李多祚擊之突厥散走磧北多祚世爲靺鞨酋長以軍功得入宿衛常之每得賞賜皆分將士有善馬爲軍士所損官屬請笞之常之曰奈何以私馬笞官兵乎卒不問

質實朔州注見漢高帝六年馬邑磧北柔然地名注見梁武帝普通二年靺鞨北狄國名注見隋文帝開皇十八年酋長注見漢帝玄更始二年

九月虢州人楊初成矯制募人迎帝於房州太

后殺之

質實

號州注見宋文帝元嘉十二年

書法

人微者其書何予之也晉周權矯詔復立羊后書誅此則曷為止書殺武

氏廢帝非義也迎帝復位義也書誅則何以勸義故止書殺之然則其必書矯何以爲果義也雖與權可也綱目勸義之意亦深矣

○冬十月太后流李孝逸於儋州

質實

儋州注見漢武

帝元鼎六年儋耳

武承嗣誣李孝逸自言當有天分太后以孝逸有功減死除名流儋州卒

發明

孝逸附會賊后爲之鷹犬破李敬業而安武氏可謂孽后之忠臣唐室之姦賊也奏功不賞尋亦自及蓋天假手殛之以爲後世助桀者之戒爾昔呂氏命灌嬰擊齊嬰乃與齊連和待變呂氏遂誅使孝逸而能爲此擁三十萬之衆抗表請還政天子徐俟復辟而後罷兵則武氏豈終能禍唐哉不是之思遂亦不免故綱目不書其官以見貶之之意其竄死也宜矣

太后罷御史監軍

太后欲遣韋待價擊吐蕃韋方質奏請遣御史監軍太后曰古者明君遣將聞外之事悉

以委之。比聞御史監軍，軍中事皆承稟。以下制上，非令典也。且何以責其有功，遂罷之。胡氏曰：武后不置監軍，可為法矣。自明皇肅代德憲，皆不免此。菽賢臣勸諫，終莫肯回用。是見武氏智術之高，控勒四海，奇才碩德，皆不能出其籠絡，豈偶然哉。

大饑

戊午 五年 春正月 帝在房州 太后立崇

先廟

太后立崇先廟，以享武氏祖考。命有司議室數。博士周宗請為七室，減唐太廟為五室。春

官侍郎賈大隱奏：禮天子七廟，諸侯五廟，百王不易。崇先廟室，應如諸侯之數。國家宗廟不應輒有變。質實：七廟。注見楚義帝元年。

二月 太后毀乾元殿，作明堂。質實：明堂。注見漢武帝建元元年。

年

初，太宗高宗之世，屢欲立明堂。諸儒議其制度，不決而止。至是，太后獨與北門學士議其制。諸儒以為明堂當在國陽丙巳之地，三里之外，七里之內。太后以為遠，毀乾元殿，以其地為之，以僧懷義為之使，凡役數萬人。

書法

書毀乾元何誅心也武氏堅冰之坤以陰代陽乾元之號非其意明矣於其地爲之綱目書曰毀乾元殿作明堂誅其心也

夏四月太后殺太子舍人郝象賢

象賢處俊之孫也初太后有憾於處俊會奴誣告象賢反遂族誅之象賢臨刑極口罵太后發揚宮中隱慝自是法官刑人先以木九塞其口

質實

郝象賢安陸人

五月太后加號聖母神皇

武承嗣使人作瑞石文曰聖母臨人永昌帝業使人獻之曰獲之洛水太后喜命曰寶圖詔當拜洛受圖告謝于郊御明堂朝羣臣命諸州都督刺史宗戚並會神都先加尊號

質實

洛水注見漢高后三年神都注見秦莊襄王元年三川

正祀典

六月朔日食○河南巡撫大使狄仁傑奏焚淫祠。

仁傑以吳楚多淫祠奏焚其一千七百餘所獨留夏禹吳太伯季札伍員四祠

質實

吳楚二國名吳注見漢獻帝建興三年楚注見秦始皇二十八年夏禹伯鯀之子治水有

功受舜禪而有天下是為夏后氏其祠在開封府杞縣西北祺城內吳太伯注見漢昭帝元平元年其祠在蘇州府閶門內季札注見漢成帝永始元年其祠在常州府治東南伍員注見漢高帝五年其祠在蘇州府城西四十里

秋八月琅邪王冲越王貞舉兵匡復不克而死。

太后遂大殺唐宗室

太后潛謀革命稍除宗室韓王元嘉霍王元軌魯王靈夔越王貞及元嘉子黃公譔元軌子江都王緒號王鳳子東莞公融靈夔子范陽王藹貞子琅邪王冲在宗室中皆以才行

有美名太后尤忌之元嘉等內不自安密有匡復之志及太后受圖召宗室朝明堂諸王遞相驚曰神皇欲因此盡收宗室誅之譔詐為皇帝璽書分告諸王令各起兵冲募兵得五千餘人起博州先擊武水莘令馬玄素閉門拒守冲因風縱火焚其南門風回軍却眾懼而散冲還走博州為門者所殺太后遣將軍丘神勣擊之至博州冲已死官吏出迎盡殺之越王貞亦舉兵於豫州太后遣將軍麴崇裕等討之又命張光輔為諸軍節度削貞冲屬籍更姓虺氏貞發屬縣兵得五千人使汝陽丞裴守德將之拒戰而潰遂與守德皆自殺初諸王往來相約結未定而冲先發惟貞狼狽應之諸王皆不敢發故敗貞之將起



女俠

妙用

通鑑綱目

卷四十一

十一

兵也遣使告壽州刺史趙瓌瓌妻常樂長公主謂使者曰李氏危若朝露諸王先帝之子不捨生取義欲何須邪大丈夫當為忠義鬼無為徒死也及貞敗太后欲悉誅諸王命監察御史蘇珣按之無驗太后召詰之珣抗論不回太后曰卿大雅之士朕當別有任使此獄不必卿也使周興等按之於是收韓王元嘉魯王靈夔黃公譔常樂公主於東都迫使自殺親黨皆誅時狄仁傑為豫州刺史貞黨與當坐者六七百家當籍沒者五千口仁傑密奏彼皆誑誤臣欲顯奏似為逆人申理不言又乖陛下仁恤之旨太后特原之皆流豐州道過寧州寧州父老迎勞之曰我狄使君活汝邪相携哭于德政碑下三日而後行張

光輔將士恃功多所求取仁傑不之應光輔怒曰州將輕元帥邪仁傑曰明公縱將士暴掠殺已降以為功恨不得尚方斬馬劍加公之頸雖死如歸耳光輔歸奏之左遷仁傑復州刺史霍王元軌江都王緒東莞公融濟州刺史薛顛顛弟緒緒弟駙馬都尉紹皆坐與二王通謀為太后所殺胡氏曰元軌賢王也然武氏方肉視諸李而元軌為青州刺史及宗室舉事又未嘗有一戈匹馬出境而西坐待潰敗賢雖可稱而周身之智克亂之才不足云

集覽 博州春秋齊西界聊攝地秦為東矣郡隋改博州今東昌府是莘濟陰莘地在莘仲城西今東昌莘縣也括地志云古莘國城在汴州陳留東五里陳留風俗傳

通鑑綱目

卷四十一 唐中宗嗣聖五年

十一

正編

云陳留外黃有莘昌亭本宋地莘氏邑也更姓虺氏言其如虺之有毒也陸佃云虺似蛇而小爾雅曰虺一名蝮博三寸首大如擘指爾雅讚曰蛇之殊狀其名爲虺其尾似頭其頭類尾虎豹可踐此難忌履註誤漢景帝詔曰吳王濞爲逆註誤吏民注註音胡卦反亦誤

質實 霍王元軌霍州名注見漢景帝四年也衡山元軌高祖之子越王貞越州名

注見漢和帝永元元年會稽貞太宗之子一統志云黃漢之縣名屬東萊郡魏晉宋隋俱仍舊唐宋及元屬登州本朝因之屬登州府江都縣名注見漢獻帝興平元年號王鳳號州名注見宋文帝元嘉十二年莘鳳太宗之子東莞縣名注見晉安帝義熙五年范陽

縣名注見漢帝玄更始二年涿郡琅邪縣名注見宋文帝元嘉七年博州注見漢光武建武八年武水縣名本漢陽平縣地隋改爲清邑縣開皇中析置此縣周廣順中河決併入聊城縣故城在東昌府城西南六十里莘本春秋衛地名漢爲東郡陽平縣地晉屬陽平郡北齊改樂平縣後周於此置武陽郡隋初郡罷復爲陽平縣尋改清邑縣又改置莘州大業初罷州改莘縣屬武陽郡因縣北古莘亭爲名唐武德初復置莘州貞觀初州廢復以縣屬魏州宋金屬大名府元屬東昌本朝因之屬東昌府豫州注見漢光武建武十九年汝南汝陽縣名注見漢後主延熙十八年壽州注見齊主寶卷永元二年壽陽蘇珣

藍田人德政碑在慶陽府寧州城西唐垂拱中建豫州流民哭於其下卽此復州注見晉孝武帝太元六年竟陵濟州注見晉帝奕太和四年高平

書法

書匡復何特筆也王莽書篡惟劉縯亂惟琅邪王冲等書起兵匡復是年朱温之僭惟淮南西川書移檄興復昭宣帝天祐四年皆特筆也冲貞子也曷爲先之首倡義也

發明

唐史載冲等討亂死之而通鑑止直敘其事故褒貶之義不明今綱目書舉兵興復不克而死旣予其興復又予其死節則其義昭然明白夫武氏亂唐人神

共憤冲等身爲宗室儻皆坐視弗恤後世必謂秦無人如其舉義不克則同死社稷豈不猶勝於坐受屠戮者乎人臣所明者義於功不貴幸而成所守者節於死不貴幸而免書法若此固不以成敗論人亦所以爲忠臣義士之勸也

太后以騫味道王本立同平章事○太后拜洛

受圖

太后拜洛受圖皇帝皇太子皆從内外百官蠻夷酋長各依方敘立文物鹵簿之盛唐興以來未質實鹵簿注見晉成帝咸康二年

明堂成作天堂

明堂高二百九十四尺，方三百尺，凡三層。下層法四時，各隨方色；中層法十二辰，上為圓蓋，九龍捧之；上層法二十四氣，亦為圓蓋。上施鐵鳳，高一丈，飾以黃金，號曰萬象神宮。又於明堂北起天堂五級，以貯大像。至三級則俯視明堂矣。以懷義為威衛大將軍，梁國公侍御史王求禮上書曰：古之明堂，茅茨不剪，采椽不斷。今者飾以珠玉，圖以丹青，瓊臺瑤室，無以加也。不報。

集覽 茅茨不剪，采椽不斷。史記李入采椽不斷，茅茨不剪。雖逆旅之宿，不勤於此。徐廣曰：墨子稱茅茨不剪，謂以茅覆屋不

取整齊，索隱曰：采木名，即今之棕木。固非謂文采也。言以采木為椽，楠不雕刻也。漢書采從木，傍注柞木也。瓊臺瑤室。注見高祖武德九年。

書法

書成何重明堂也。故雖作於武氏其堂則貯大像耳。一書始作以著其徇人欲崇淫祀而已。其成不書其火，不書

太后詔發兵擊生羌及吐蕃不果行

太后欲發梁鳳巴蠻自雅州開山通道，擊生羌襲吐蕃。陳子昂上書曰：雅州邊羌未嘗為盜，一旦戮之，必將蜂起。臣愚以為西蜀之禍自此結矣。吐蕃愛蜀富饒，欲盜之久矣。徒以

山川阻絕，障隘不通，勢不能動。今國家乃亂邊羌，開隘道，使其收奔亡之種，為鄉導以攻邊。是借寇兵而為賊除道，舉全蜀以遺之也。蜀者國家之寶庫，可以兼濟中國。今執事者乃圖僥倖之利，以事西羌，得其地，不足以稼穡，得其財，不足以富國。臣恐未見羌戎，已有姦盜生其中矣。今山東飢，關隴弊，而狗貪夫之議，謀動甲兵，自古國亡家敗，鮮不由此。願陛下熟計之，既而役不果興。

集覽

梁鳳俱在陝西，梁即漢之漢中郡，晉為梁州。唐

以梁涼聲相近，改梁曰褒。德宗陞興元府，鳳即漢之武都郡，固道河池二縣地。南齊置南岐州，西魏改鳳州，隋置河池郡，唐復為鳳州。巴蠻皆南夷種名也。蠻音袒，晏公類要曰：南

方有巴人焉，有白虎人焉，有蠻蠻人焉。巴人好歌，名踏蹄。白虎人事道，蠻蠻人事鬼，伐鼓以祭祀，叫嘯以興哀。詰朝為市，日未午交易而退。

質實

梁鳳二州名，梁注見周赧

王四年。漢中鳳注見梁武帝中大通六年。南岐雅州注見僖宗中和二年。西蜀注見晉武帝泰始八年。僥倖注見宋孝武帝大明二年。山東道名注見宋文帝元嘉二十五年。關隴謂關中。隴右

巳丑 六年 太后來 春正月帝在房州 太后大饗

萬象神宮

通鑑綱目 卷四十一 唐中宗嗣聖六年 正編

太后服袞冕摺大珪執鎮珪為初獻皇帝為亞獻太子為終獻周國先王亦與饗焉禮畢御門大赦布政于明堂頒九條以訓百官又尊周忠孝王為太皇妣為太后墓曰昊陵順陵

集覽

摺大珪執鎮珪摺通作晉珪通作圭禮典瑞曰王晉大圭執鎮圭鄭司農云晉讀為摺紳之摺謂挿於紳帶之間若帶劔也玉人職曰大圭長三尺杼上終葵首天子服之鎮圭尺有二寸天子守之注大圭或謂之珽終葵椎也為椎於杼上明無所屈也杼網也相玉書曰珽玉六寸明自炤杼直呂反珽他頂反椎直追反網色界反殺字之異者圭璋圖曰大圭王所摺珽也形方正挺然無所屈齊人謂椎為終葵圭首六寸為椎以

下殺之鎮圭飾四鎮山象其高王執之以朝日使者執以徵守 **質實** 袞冕注見漢平帝元始五年周忠孝王武氏尊父士護為周忠孝王

夏四月太后以武承嗣為納言張光輔為內史

考異

一本為作守提要同 ○太后殺汝南王煒鄱陽公譔

等十二人及天官侍郎鄭玄挺

譔謀逆中宗於房陵以問玄挺煒又嘗謂玄挺曰欲為急計何如玄挺皆不應坐知反不告同 **質實** 汝南郡名注見漢光武建武十九年鄱陽縣名注見秦二世二年房

陵縣名注見漢獻
帝建安二十四年

秋七月太后徙紀王慎於巴州道卒

諸王之起兵也紀王慎獨不預謀亦坐繫獄徙巴州行及蒲州而卒八男相繼被誅女東光縣主楚媛適司議郎裴仲將相敬如賓姑有疾親嘗藥膳接遇娣姒皆得歡心時宗女皆以嬌奢相尚謂之曰所貴於富貴者得適志也今獨守勤苦將何求楚媛曰幼而好禮今而行之非適志歟富貴儻來之物何足驕人衆皆慚服及聞慎薨號慟嘔血不御膏沐

垂二
十年

質實

楚媛東光縣主之名也娣姒孔氏曰娣姒婦者兄弟之妻相名也爾

雅長婦謂穉婦為娣婦穉婦謂長婦為姒婦郭璞注云相呼先後也杜預曰妯娒相呼曰娣姒謂據婦年之長幼不隨夫年之大小富貴儻來儻來者物之暫寄也顏師古曰儻者意外忽來者耳不御膏沐御用也膏所以澤髮者沐滌首去垢者詩伯考豈無膏沐誰適為容文公集傳曰適丁歷反主也言我非無膏沐可以為容所以不為者無所主而為之故也

質實

紀王慎紀本春秋時國名城內有臺俗呼曰紀臺隋置縣於此唐因之後

廢故城在青州府壽光縣西南三十里慎太宗之子蒲州注見周赧王十二年蒲坂東光縣漢初所置屬渤海郡後徙渤海郡治此隋初郡廢置觀州大業初州罷屬平原郡以安

陵縣省入唐屬滄州貞元初改屬景州五代周以弓高縣省入宋為永靜軍治金為觀州治元屬景州 本朝因之改屬河間府

書法 徙死書死恒也據淮南王長等此其書卒何無罪也綱目徙書卒一而已

太后遣韋待價擊吐蕃大敗除名流繡州

初太后命左相韋待價擊吐蕃至寅識迦河與吐蕃戰大敗會大雪糧運不繼待價狼狽引軍還太后大怒除名流繡州斬其副閻温古安西副都護唐休璟收其餘眾撫安西土太后以休璟為西州都督

質實 繡州注見高祖武德五年林州西州注見齊明帝建

武四年 高昌

八月太后殺內史張光輔

徐敬業之敗也弟敬真流繡州將奔突厥為吏所獲多引海內知識云有異圖冀以免死誣內史張光輔私論圖讖陰懷兩端遂皆被誅秋官尚書張楚金陝州刺史郭正一鳳閣侍郎元萬頃洛陽令魏元忠皆當死臨刑太后使馳騎赦之當刑者皆喜躍謹呼元忠獨安坐自如既宣敕乃徐起拜竟無憂喜之色遂流嶺南是日陰雲四塞既釋楚金等天氣晴

質實 圖讖注見漢光武建武中元元年陝州注見周顯王四十五年嶺南道名

通鑑綱目 卷四十一
注見秦始皇三十三年南海

九月太后以僧懷義為新平道大總管討突厥

考異

討當作擊

考證

討當作擊

質實

新平道注見漢桓帝延熙五年函

書法

黑齒常之書擊此書討何重辭也討罪大義也而以僧任之非其人矣重

其辭所以病太后也直書其事不待貶而意自見矣

○閏月太后殺同平章事魏玄同

魏玄同素與裴炎善時人以其終始不渝謂之耐久朋周興素惡玄同誣之曰玄同言后

老矣不若奉嗣君為耐久太后怒賜死于家或教之告密冀得召見自陳玄同歎曰人殺鬼殺等耳豈能作告密人邪乃就死自餘內外大臣坐死及流貶甚眾彭州長史劉易從為徐敬真所引就州誅之易從為人仁孝忠謹將刑於市吏民憐其無辜遠近奔赴競解衣投地曰為長史求冥福有司平準直十餘萬興等又誣武衛大將軍黑齒常之謀反徵下獄常**集覽**求冥福脫衣以為贈祿助死之縊死**質**者於幽冥之下求覓福果

實一統志云彭州本周之彭國秦為蜀郡繁

東益州後周改郡及縣俱曰九隴隋初廢郡置濠州尋廢唐復置濠州貞觀初廢後又置

彭州天寶初改濛陽郡乾元初復為彭州又
置威勝軍宋仍為彭州治九隴元以九隴縣
省入本朝改州為縣省
濛陽縣入焉仍屬成都府

冬十月太后殺鄭王璿等六人

質實

鄭州名注
見梁武帝

普通六年
鄭城

初太后問陳子昂當今為政之要子昂上疏
以為宜緩刑崇德息兵革省賦役撫慰宗室
各使自安辭婉意切其論甚美至是又上疏
曰太平之朝上下樂化不宜有亂臣賊子日
犯天誅比者大獄增多逆徒滋廣愚臣頑昧
初謂皆實去月陛下特察李珍等無罪又免

楚金等死初有風雨變為景雲臣乃知亦有
無罪之人枉於疎網者臣聞陰慘者刑也陽
舒者德也聖人法天天亦助聖今又陰雨臣
恐過在獄官陛下何不悉召獄囚自詰其罪
有實者顯示明刑濫者嚴懲獄吏
使天下咸服豈非至德克明哉
集覽景雲
文志瑞氣曰慶雲若烟非烟若雲非雲郁郁
紛紛蕭索輪困是謂慶雲亦曰景雲此喜氣
也太平
之應

太后以范履冰邢文偉同平章事○十一月太

后享萬象神宮始用周正

改十一月為正月，十二月為臘月，夏正月為一月。

書法 書改正多矣。書曰：以某月為某月，恒辭也。此其書曰：用周正，何誅心也。周士護始封國也。改用建子而太后以周代唐之意，決矣。綱目深探其情，故特書曰：用周正。

太后自名嬰，改詔曰制。**考異** 太后當作武氏。按後當改太后二字作嬰字。鳳閣侍郎宗秦客改造十二字以獻，至是行之。嬰即照字也。**集覽** 改造十二字，照

為嬰，天為西地，為崆日為二月，為囿星為三月。君為商臣為忠，載為庚初為鳳年為率，正為

除唐宗室屬籍。從司刑少卿周興之請也。

庚七年 **考異** 按王莽篡國分注新莽某年，此當分注周嬰天授元年。後凡春正月，帝在房州。太后以武承嗣為左相，武攸寧為納言，邢文偉為內史，王本

通鑑綱目 卷四十一 唐中宗嗣聖七年 正編

立罷○太后流韋方質于儋州

時武承嗣三思用事宰相皆下之方質有疾承嗣三思往問之方質據牀不為禮或諫之方質曰死生有命大丈夫安能曲事近戚以求苟免乎尋為周興所構流儋州尋賜死

二月太后策貢士於洛城殿

貢士殿試自此始補闕薛謙光上疏曰選舉之法宜得實才取捨之間風化所繫今之選人咸稱覓舉奔競相尚誼訴無慙至於才應經邦惟令試策武能制敵止驗彎弧昔漢武帝見司馬相如賦恨不同時及置之朝廷終文園令知其不堪公卿之任故也吳起將戰

左右進劍起曰將者提鼓揮桴臨難決疑一劍之任非將事也然則虛文豈足以佐時善射豈足以克敵要在文吏察其行能武吏觀其勇畧考居官之臧否行舉者之賞罰而已胡氏曰漢策問賢良非試之也延于大廷訪以理道其事重矣若貢士則既試于南宮而又試之殿廡是以南宮為不足信邪故富文忠公請罷殿試其說甚當然未能行焉無亦悅其名而未察其實歟况其事始於僭竊亂淫之武后不可以不革也
集覽 彎牽也持弓關矢也終文園令相如奏賦以哀二世行失拜為孝文園令終於此官而已提鼓揮桴禮大司馬師帥執提鄭司農云提讀如攝提之提謂馬上鼓有曲木提持鼓立

馬髦上者故謂之提桴與枹通

質實

如司馬相

人少好讀書學擊劍客遊梁著子虛上林賦

漢武帝讀而善之召見屢獻賦拜為郎會唐

蒙驚擾巴蜀遣相如諭之還拜中郎將建節

帝稱飄飄有凌雲意後以病免吳起衛人嘗

學於曾子好用兵為魯將破齊復為魏將擊

秦魏武侯善之拜為西河守大振聲名既而

見疑適楚悼王聞其賢以為相於是撫養士

卒謚為

文忠

書法

丘濬曰此後世進士殿試之始按漢

策問賢良非試之也後世出題試士
於殿廷始見於此

三月蘇良嗣卒

書法

於是大臣不書卒六年矣多
太后所殺也於是始書良嗣

○四月范履冰下獄死○秋七月太后流舒王

元名於和州以侯思止王弘義為侍御史

醴泉人侯思止素詭譎無賴恒州刺史裴貞
杖一判司判司使思止告貞與舒王元名謀
反元名廢徙和州貞亦族滅思止求為御史
太后曰卿不識字對曰獬豸何嘗識字但能
觸邪耳太后悅從之衡水人王弘義素無行
嘗從鄰舍乞瓜不與乃告縣官瓜田中有白
兔縣官使人搜捕蹂踐立盡又見間里耆老
作邑齋遂告以謀反殺二百餘人太后擢為
殿中侍御史或告勝州都督王安仁謀反敕
弘義按之安仁不服弘義即枷上刎其首朝
士人人自危每朝輒與家人訣曰未知復相
見否御史中丞李嗣真上疏曰古者獄成公
卿參聽王必三宥然後行刑比日獄官單車
奉使臨時專決不復聞奏倘有冤濫何由可

治獄平恕
止有三人
徐有功第
一

知况以九品之官專命推覆操殺生之柄竊
人主之威案覆既不在秋官省審復不由門
下國之利器輕以假人恐為社稷之禍太后
不聽時法官競為深酷惟司刑丞徐有功杜
景儉獨存平恕被告者皆曰遇來侯必死遇
徐杜必生有功文遠之孫名弘敏以字行初
為蒲州司法不施敲朴吏相約有犯徐司法
杖者眾共斥之迨官滿不杖一人職事亦修
及為司刑丞酷吏所誣搆者皆為直之前後
所活數十百家嘗廷爭獄事太后厲色詰之
有功神色不撓爭之彌切太后雖好殺知有
功正直甚敬憚之司刑丞李日知亦尚平恕
少卿胡元禮欲殺一囚日知以為不可徃復
數四元禮曰元禮不離刑曹此囚終無生理

日知曰日知不離刑曹此囚終無死法乃以所列狀上日知果直

集覽

王必三宥

然後行刑記文王世子獄成有司讞于公其死罪則曰某之罪在大辟其刑罪則曰某之罪在小辟公曰宥之有司又曰在辟公又曰宥之有司又曰在辟及三宥不對走出致刑于甸人公又使人追之曰雖然必赦之有司對曰無及也注云君每言宥則答之以至於

三罪定不復答走往刑之為君之恩無已

利器劉陶傳妄假利器注利器謂威權也

實一統志云醴泉縣名本漢左馮翊谷口縣地東漢及晉為池陽縣後魏改寧尺縣隋改醴泉縣因後周醴泉宮為名唐初析置温秀縣後省入醴泉宋割屬醴州金元仍屬乾

州本朝因之改屬西安府恒州注見漢光武建武九年常山舒王元名舒州名注見梁

簡文帝大寶元年晉熙元名高祖子也和州注見漢冲帝永嘉元年獬豸但能觸邪神異

經云獬豸神羊也性忠直見人鬪則觸不直聞人論則咋不正一名任法獸張肇曰今御

史法冠曰獬豸後漢輿服志獬豸神羊楚王獲之以為冠秦滅楚以其君冠賜執法近臣

御史服之衡水縣名注見隋恭帝皇泰二年勝州注見隋文帝開皇十九年李嗣真邢州

柏仁人杜景儉武邑人李日知滎陽人東海人杜景儉武邑人李日知滎陽人

太后頒大雲經於天下

唐中宗嗣聖七年

正編

僧法明等撰大雲經上之言太后乃彌勒佛下生當代唐為閻浮提主制頒天下尋敕兩京諸州建寺藏之

集覽

閻浮提佛經云鄴部即此州名在彌盧山南故稱南閻浮

書法

大雲經何偽書也隋靈感志不書頒此其書頒何譏也自欺非矣欺人甚

哉故大雲經書頒武后

太后殺澤王上金許王素節

武承嗣告上金素節謀反徵詣行在素節在道聞遭喪哭者曰病死何可得而更哭耶至

皆殺之并誅其子及支黨

質實

澤王上金澤州名注見梁武帝中大通六年建州上

金高宗子也許王素節許州名注見漢光武建武八年長社素節高宗子也

太后殺南安王潁等十二人及故太子賢二子

質實

一統志云南安縣名本漢會稽郡侯官縣地吳置東安縣晉改曰晉安屬晉安郡梁

為南安郡治隋廢郡改縣曰南安屬泉州唐初以縣置豐州後屬泉州宋元仍舊本朝因之

屬泉州府

唐之宗室於是殆盡其幼弱者亦流嶺南

慘絕

九月武氏改國號曰周稱皇帝以豫王旦為皇

嗣改姓武氏

考證

當去皇字○謹按唐武后廢

姓武氏凡例曰篡賊干統而不及傳世者唐武氏之類綱目名武氏為篡賊得之凡例又曰凡非正統者去皇號固雖睿宗改姓而為篡賊之嗣豈得以皇號加之乎當以豫王旦為嗣

侍御史傅遊藝上表請改國號曰周賜皇帝姓武氏太后不許擢遊藝為給事中於是百官宗戚百姓四夷合六萬餘人俱上表如遊藝所請太后可之御則天樓赦天下以唐為周上尊號曰聖神皇帝以皇帝為皇嗣賜姓武氏以皇太子為皇孫立武氏七廟追尊周

武姬罪惡滔天

文王為始祖文皇帝祖考皆為皇帝妣皆為皇后立武承嗣為魏王三思為梁王士護兄孫攸暨等十二人皆為郡王以史務滋為納言宗秦客檢校內史傅遊藝為鸞臺侍郎平章事並賜姓武秦客潛勸太后革命故首為內史尋坐賊貶黜遊藝莽年之中歷衣青綠朱紫時人謂之四時仕宦太后欲以太平公主妻武攸暨使人殺其妻而妻之公主多權畧太后以為類已常與密議天下事胡氏曰君子有言臣居尊位弄莽是也猶可言也婦居尊位武氏是也非常之變不可言也蓋廢興常理也陰居尊位非常之變故也呂氏為而未成武氏遂革唐命然傳記以來三千年間纔一人耳亦不及終其身而復後世或有

欲為是者豈無其漸仁人義士

集覽

史唐有

監於高宗必逆有以處之矣
檢按兼守判知之類皆非本制出於特旨所
置與正員資格同皆以待資淺之人君子有

言下文皆伊川易傳文也注

質實

見漢成帝

見睿宗景雲二年以六居五
綏和二年魏郡梁州名注見周赧王四年漢
中太平公主太平縣名本漢之河東郡臨汾

縣地後魏始置太平縣以在太平故關城因
名屬平陽郡隋初屬晉州尋移關東北屬絳

州唐復移原治又移敬堡宋金仍舊元屬
絳州本朝改屬平陽府公主武后女也

書法

書稱皇帝廢某為某多矣此其不書
廢書以何不予旦之得立也不予其

立則廢之宜矣故不書廢武氏既改國號
自是削其太后稱武氏焉所以絕之於唐

也綱目之筆
削凜凜矣

發明武氏之亂自書契以來未之有也然
綱目亦因其漸而書之以見不輕絕

人之意蓋自高宗時書初令皇后決事書
百官四夷朝天后至廢立以後書大殺唐

宗室書除唐宗室屬籍書殺澤王許王南
安王等極矣然猶以太后書之未遽黜也

至是改國號周自稱皇帝以豫王為皇嗣
改姓武氏於是始加斥絕不稱太后止書

武氏所謂誅以王法廢之為庶人者也夫
天下唐之天下武氏為唐妾婦遂乃革命

稱尊滅唐社稷綱目自是書周書武氏蓋絕之於唐明其不得為李氏婦而中睿亦不得而母之爾嗚呼女禍之慘未有若是之甚者綱目書之為後世戒可謂深切著明也矣有天下國家者可不謹哉○丘濬曰嗚呼此開闢以來未有之大變也太極動而生陽靜而生陰天陽而地陰也日陽而月陰也男陽而女陰也乾道成男坤道成女男正位乎外女正位乎內君道象日后道象月此天地之常人倫之正自有天地以來未之有改焉者武墾一旦以陰柔之資當陽剛之位則地升而為天也月易而為日也女變而為男也反陰陽之常變剛柔之質易內外之位程子所謂非常之

變不可言者此也嗚呼言且不可况見之乎當是之時武墾以女而統男而一時公卿將相羣臣庶僚莫不以男而奉女耽其參養之恩畏其誅戮之慘忘其身之為男子也嗚呼人亦不幸而生於斯時哉或曰此非但起於武氏也前此呂雉蓋嘗為之矣雖然呂氏於是時猶依所名惠帝之子以臨朝稱制漢之為漢固自若也武墾則革唐之命滅夫之族被天子之袞冕稱天子之名號巍然居殿陛之間偃然行人君之事以受人君之朝以為萬邦之主忘其身之為女也而天下臣民亦翕然視之以男焉嗚呼此豈但人世之理悖哉亦天地之氣亂也若夫以睿宗為皇嗣賜姓為武

尤為悖逆。夫倡優之子，則從母之姓。睿宗於此，不父其父而父其母，禮所謂禽獸。知其母而不知其父者，也。雖然，睿宗蓋亦不幸而生為武曩之子也。歟！然則舊書睿宗皆作豫王，且不予武氏之立也。史綱前此之書亦然而此，又以為唐帝，且者蓋以見豫王前此固為唐之帝矣。至是又為曩之嗣焉。吁！前也承父，則姓父之姓，以為唐之君後也。承母，則姓母之姓，以為周之嗣。嗚呼！人之生也，合父母而有此身，承祖宗而此姓。睿宗一身前後分而異屬，豈復有人理哉！書之于冊，以紀世道之大變。

冬十月西突厥入居內地

西突厥十姓自垂拱以來，為東突厥所侵掠，散亡畧盡，繼往絕可汗，斛瑟羅收其餘眾六七萬人，入居內地。太后以為竭忠事主可汗。

周以徐有功為侍御史

考異

按名號例曰篡賊曰某，據王莽改國

號曰新，綱目每事但冠以莽字，未嘗冠以新字。此書周當易以曩字，庶合朱子立例之意。且無唐經亂周紀之失也。後書周處做此。

道州刺史李行褒兄弟為酷吏所陷，當族。秋官郎中徐有功固爭，不能得。周興奏有功故出反囚，當斬。太后免有功官。然太后雅重有功，尋復起為侍御史。有功伏地流涕，固辭曰：

臣聞鹿走山林而命懸庖厨勢使之然也陛下以臣為法官臣不敢枉陛下法必死是官矣太后固授質實國時楚之南境地秦屬長沙郡漢屬零陵郡吳分為滎陽郡梁改為永陽郡隋廢郡併入永州唐初置南營州治營道縣貞觀間始改道州屬江南西道天寶初改為江華郡宋仍為道州元改為道州路本朝初改為府後改為州屬永州府

十一月周易服色改置社稷宗廟

太后受尊號於萬象神宮旗幟尚赤改置社稷於神都納武氏神主於太廟以唐太廟為

享德廟改崇先廟為崇尊廟冬至祀明堂以武氏祖配上帝

辛卯八年

武氏天授二年

考異

提要分注作周武氏載初元年

春正月

帝在房州○二月周流其右丞周興於嶺南

異 提要右丞作左丞

初金吾大將軍丘神勣以罪誅或告右丞周興與神勣通謀太后命來俊臣鞠之俊臣與興方推事對食謂興曰囚多不承當為何法興曰此甚易耳取大甕以炭四周炙之令囚入中何事不承俊臣索大甕如興法起謂興曰有內狀推兄請兄入此甕興惶恐服罪法

即以周興法治周興大快

當死原之流嶺南在道為仇家所殺與與索元禮來俊臣競為暴刻所殺各數千人破千餘家元禮殘酷尤甚尋亦為太后所殺

夏四月朔日食○秋七月周徙關內戶數十萬

實洛陽

質實

洛陽縣名注見周顯王三年

○八月周殺其將

軍張虔勗

考異

按統系例曰凡正統事有相因者連書之注云篡賊事亦連書但每歲首及有異事一加其名據王莽歲首書事及間有異事一書其名無異事者不冠以名則此年流周興事在歲首當冠以墨字徒關內戶上有日食亦當冠以墨字餘自殺張虔勗以

下事皆墨所為間無異事舊書周字皆當削後並做此

來俊臣鞠虔勗虔勗自訟於徐有功俊臣怒命衛士以刀亂斫殺之梟首於市又鞠岐州刺史雲弘嗣不問一欵先斷其首乃偽立案奏之

質實

梟首注見漢靈帝建寧元

年岐州注見周顯王八年

周改義豐王光順等姓武氏幽之宮中

質實

統一

志云義豐本漢中山國安國縣地名晉屬博陵郡北齊省隋置義豐縣屬博陵郡唐改為立節縣嗣聖初復曰義豐屬定州景福初於此置祁州宋改為蒲陰縣景德初以州為蒲陰金天會

通鑑綱目

卷四十二

真

正編

中復為邠州元以蒲陰縣為附郭本朝省蒲陰入州改屬保定府光順太子賢之子也與弟守禮守義及睿宗諸子皆幽閉宮中不出門庭者十餘年

九月周平章事傅遊藝自殺

遊藝夢登湛露殿所親告之下獄自殺

書法

武氏自嗣聖以來殺人多矣書太后殺十三太子賢裴炎程務挺劉稭之

郝象賢汝南王煒鄱陽公譟張光輔魏玄同鄭王璪澤王上金許王素節南安王穎書周殺八張處場於輔元岑長倩歐陽通李安靜裴匪躬侯思止劉思禮書周武氏

殺一豫王妃劉氏惟傅遊藝書自殺自殺何自取殺也遊藝首倡改號為周之議遂取大位纔及朞年而以言夢下獄綱目不書下獄書自殺若曰其所以死者自取之云耳

周以武攸寧為納言狄仁傑同平章事

太后謂仁傑曰卿在汝南甚有善政卿欲知諳卿者名乎仁傑謝曰陛下以臣為過臣請改之知臣無過臣之幸也不願知諳者名太后深歎美之

周殺其同平章事格輔元右相岑長倩納言歐

忠厚有度

陽通

先是鳳閣舍人張嘉福使洛陽人王慶之等數百人上表請立武承嗣為皇太子岑長倩格輔元以皇嗣在東宮不宜有此議由是大忤諸武意皆坐誅來俊臣教長倩子引歐陽通訊之不服詐為欵并殺之太后詔慶之曰皇嗣我子奈何廢之對曰神不歆非類民不祀非族今誰有天下而以李氏為嗣乎太后不從慶之屢求見太后怒命鳳閣侍郎李昭德杖之昭德引出門示朝士曰此賊欲廢我皇嗣立武承嗣命撲之耳目皆血出然後杖殺之其黨乃散昭德因言於太后曰天皇陛下之夫皇嗣陛下之子陛下身有天下當傳

此語足以感動

之子孫為萬代業豈得以姪為嗣乎自古未聞姪為天子而為姑立廟者也且陛下受天皇顧託若以天下與承嗣則天皇不血食矣太后亦以為然

質實

李昭德長安人

乾祐之子

周殺右將軍李安靜

士氣

太后將革命王公百官皆上表勸進右將軍李安靜獨正色拒之及下制獄來俊臣詰其反狀安靜曰以我唐家老臣須殺即殺若問謀反實無可對俊臣竟殺之安靜綱之孫也

質實

李安靜觀州脩人

書法

綱目書周所殺必曰殺其某官某其者何外之也右將軍天授所命也則曷為不書其內安靜也安靜不肯署表勸進可謂義矣及下制獄俊臣詰之辭曰唐家老臣須殺即殺則安靜心乎唐者也綱目不書其所以殊安靜於武氏之黨也

周遣使存撫諸道

壬辰九年武氏如意元春正月帝在房州○周

武氏引見存撫使所舉人

考異

武氏二字當作嬰字

初太后遣使存撫四方至是引見其所舉人無問賢愚悉皆擢用高者試給舍次郎御史

遺補技書郎試官自此始時人為之語曰補闕連車載拾遺平斗量權惟侍御史益脫技書郎有舉人沈全交續之曰麴心存撫使昧目聖神皇御史劾之太后笑曰但使卿輩不濫何恤人言太后雖濫以祿位收人心然不稱職者尋亦黜之或加刑誅挾刑賞之柄以駕御天下政由已出明察善斷故當時英賢亦競為之用胡氏曰沈全交之言可謂誹謗矣而武后付之一笑仍責舉官使之自反此明主所為也宜其運動四海呼吸雷風一時英賢無不俛首也

集覽

高者試給舍高第者試守鳳閣舍人給事中通典注試者

未為正命凡正官皆稱行守其階高官卑者稱行階卑官高者稱守階官同者並無行守

字次郎御史遺補校書郎其次等者試守諸郎官侍御史拾遺補闕校書郎權權權權俱反權傳追反齊魯謂四齒杷為權新書云杷權益脫之諺益脫益通作杷說文小孟也脫者椀之形模眯目眯母禮反

正誤

權權侍御史益脫校

書郎今按權當作推胡三省音吐雷反為是言授官之泛如用杷推聚之多益脫言官不得人如模脫益杯箇箇相似也蘇軾詩益脫本無模對置藏終自集

周築神都外城

質實

神都注見秦莊襄王元年三川

○周以郭

霸為監察御史

郭霸以諂諛拜監察御史中丞魏元忠病霸往問之因嘗其糞喜曰糞甘則可憂今苦無傷也元忠大惡之

周貶狄仁傑魏元忠為縣令

來俊臣羅告同平章事任知古狄仁傑裴行本司農卿裴宣禮左丞盧獻中丞魏元忠潞州刺史李嗣真謀反先是俊臣請降勅一問即承反者得減死知古等下獄俊臣以此誘之仁傑曰大周革命萬物惟新唐室舊臣甘從誅戮反是實俊臣乃少寬之判官王德壽教仁傑引平章事楊執柔仁傑曰皇天后土遣狄仁傑為如此事以頭觸柱血流被面德

壽懼而謝之仁傑裂衾帛書寃狀置綿衣中謂德壽曰天時方熱請授家人去其綿德壽許之仁傑子得書持之稱變以聞太后以問俊臣俊臣乃詐為仁傑等謝死表上之初平章事樂思晦亦為俊臣等所殺男未十歲没入司農至是上變得召見太后問狀對曰臣父已死臣家已破但惜陛下法為俊臣等所弄陛下不信臣言乞擇朝臣之忠清陛下素所信任者為反狀以付俊臣無不承反矣太后意稍寤召見仁傑等問曰卿承反何也對曰不承則已死於拷掠矣太后曰何為作謝死表對曰無之出表示之乃知其詐於是出此七族皆貶縣令仁傑彭澤元忠涪陵流之本嗣真於嶺南俊臣稱行本罪尤重請誅之

武后既革命已遂其欲自是縱殺漸寬

徐有功駁之曰明主有更生之恩俊臣不能將順虧損恩信殿中侍御史霍獻可宣禮之甥也言於太后曰陛下不殺裴宣禮臣請隕命於前以頭觸殿階流血霑地以示為人臣不私其親太后皆不聽萬年主簿徐堅上疏曰書有五聽之道令著三覆之奏比來推按反者令使者得實即行斬決人命至重死不可再生萬一懷枉吞聲赤族豈不痛哉又法官之任宜加簡擇有用法寬平為百姓所稱者願親而任之有處事深酷不允人望者願疎而退之堅齊集覽羅告羅織下文七人之罪聃之子也而告之書有五聽之道禮小司寇以五聲聽獄訟求民情一曰辭聽二曰色聽三曰氣聽四曰耳聽五曰目聽注觀

通鑑綱目 卷四十一 唐中宗嗣聖九年

其出言不直則煩觀其顏色不直則赧然觀其氣息不直則喘觀其聽聆不直則惑觀其眸子視不直則眊然令著三覆之奏覆者反覆推訊如是者三然後奏裁此已著之為令矣太宗貞觀五年既斬張蘊古悔之因詔死刑雖令即決皆三覆奏久之又曰自今宜三日五覆奏諸州

質實 潞州注見周赧王五十年上黨司農官名注死罪三覆奏

見高祖武德七年彭澤縣名注見晉元帝永昌元年涪陵縣名注見晉惠帝太安二年萬年縣名注見漢高帝十年徐堅長城人

夏五月禁天下屠殺採捕

時江淮旱饑民不得採魚鰕餓死者甚衆拾遺張德生男私殺羊會同僚補闕杜肅懷一餒上表告之明日太后對仗謂德曰聞卿生男甚喜德拜謝太后曰何從得肉德叩頭伏罪太后曰朕禁屠宰吉凶不預卿自今召客亦須擇人出肅表示之肅大慙舉朝欲唾其面

集覽 一餒餒杜覽反餅餒也麩裏肉為之

正誤 一餒今按史記餒與啖同猶言一嚙謂口之食也

書法 自革命以來每事必書周外之也此則曷為不書周禁殺未失也書周是

善之矣

秋七月周左相武承嗣罷以李昭德同平章事

李唐二綫之延全得姑姪父子一諷之力

滑稽有趣

先是昭德密言於太后曰魏王承嗣權太重太后曰吾姪也故委以腹心昭德曰姑姪之親何如父子子猶有篡弑其父者况姪乎太后矍然遂罷承嗣政事承嗣亦毀招德於太后太后曰吾任昭德始得安眠此代吾勞汝勿言也是時酷吏恣橫百官畏之側足昭德獨廷奏其姦太后好祥瑞有獻白石者執政詰其異對曰以其赤心昭德怒曰此石赤心他石盡反邪襄州人胡慶以丹漆書龜腹曰天子萬萬年獻之昭德以刀刮盡奏請付法太后曰此心亦無惡命釋之胡氏曰以文而觀昭德為武后深計以安其位也以情而觀

周流其御史嚴善思於驩州

譎去承嗣所以剪其翼也此謀慮之善者也諸武雖並列朝廷而不預政事其氣燄亦少損矣

集覽

矍然矍厥縛反左右驚顧貌

質實

襄州注見漢獻帝建安十二年

太后自垂拱以來任用酷吏先誅唐宗戚數百人次及大臣數百家其刺史郎將以下不可勝數每除一官戶婢竊相謂曰鬼朴又來矣不旬月輒遭掩捕族誅監察御史嚴善思公直敢言時告密者不可勝數太后亦厭其煩命善思按問引虛伏罪者八百五十餘人羅織之黨為之不振乃相與構善思坐流驩州太后知其枉尋復召之補闕朱敬則上疏

曰李斯相秦，用刻薄變詐，以屠諸侯，不知易之以寬和，卒至土崩，此不知變之禍也。漢高祖定天下，陸賈、叔孫通說之以禮義，傳世三十餘年，此知變之善也。自文明草昧，天地屯蒙，三叔流言，四凶構難，不設鈎距，無以應天順人，不切刑名，不可摧姦息暴，故開告端以禁異議，然急趨無善迹。促柱少和聲，向時之妙策，乃當今之芻狗也。伏願覽秦漢之得失，考時事之合宜，窒羅織之源，掃朋黨之迹，使天下蒼生坦然大悅，豈不樂哉！太后善之，賜帛三百段。侍御史周矩上疏曰：推劾之吏，皆相矜以虐，泥耳籠頭，枷研楔，搯膺籤爪，懸髮薰耳，人非木石，苟求賒死，臣竊聽輿議，皆稱天下太平，何苦須反，豈被告者盡是英雄欲求

帝王邪，但不勝楚毒而自誣耳。周用仁而昌，秦用刑而亡，願陛下緩刑用仁，天下幸甚。太后頗采其言，制獄稍衰。胡氏曰：凡說人以善而不深得其為惡之本情，則情不可格，而善無自入。武氏猜阻辯詐，豈易諫哉，而李昭德、朱敬則變其所難，如反手之易，得其情故也。苟直曰承嗣不可相制，獄不可用，是以水沃石而已矣。

集覽 告密顏師古曰：告密者以天下秘密事上告也。如今告訐之類。文明草昧，文明睿宗年號，草昧注見太宗貞觀十三年。天地屯蒙，易序卦曰：有天地然後萬物生焉，盈天地之間者唯萬物，故受之以屯。屯者盈也，屯者物之始生也。物生必蒙，故受之以蒙蒙者蒙也。物之穉也。解云：屯乃物初



生之時也物生之初蒙昧而穉弱三叔流言書金縢武王既喪管叔及其羣弟乃流言於國曰公將不利於孺子蔡氏傳曰管叔名鮮武王弟周公兄也羣弟蔡叔度霍叔處也流言無根之言如水之流自彼而至此也孺子成王也商人兄死弟立者多武王崩成王幼周公攝政故武庚管蔡流言於國以危懼成王而動搖周公也史氏言管叔及其羣弟而不及武庚者所以深著三叔之罪四凶構難四凶共工驩兜三苗鯀構難猶言架禍也蔡氏書傳曰共工官名驩兜臣名三苗國名鯀崇伯名左傳四凶之名與此不同說者以窮奇為共工渾敦為驩兜鯀為三苗檮杌為鯀未詳是否左傳曰昔帝鴻氏有不才子謂

之渾敦少皞氏有不才子謂之窮奇顓頊氏有不才子謂之檮杌此三族也世濟其凶堯不能去縉雲氏有不才子天下之民以比三凶謂之饕餮舜臣堯流四凶族鉤距注見漢宣帝本始三年促柱少和聲侯董箏賦曰急絃促柱變調改曲卑殺纖妙微聲繁縟當今之芻狗言向時妙策今不可用也莊子天運篇師金曰夫芻狗之未陳也盛以篋衍巾以文繡戶祝齊戒以將之及其已陳也行者踐其首脊蘇者取而繫之而已林希逸口義曰也結草為狗形以解厭也祭時所用已棄之泥耳以物蒙囚耳籠頭作鐵籠以鞞囚首枷研枷項械也研礪也楔轂楔先結反截也於籠頭之上加以鐵楔必至腦裂而死

轂黑角反急速也。擻音尖。擻膺。擻與拉通。落合反。摧也。膺胷也。唐書酷吏傳作拉脅。公羊傳莊元年擻幹而殺之。注脅與拉通。幹脇也。籤爪。籤千廉反。銳也。貫也。瓜手足甲也。薰耳耳字疑刊誤。以上文有泥耳。此必是薰目。尺簡唐書酷吏傳果作薰目。然古有薰耳之說。漢書呂皇后斷戚夫人手足去眼。薰耳。顏師古注薰許云反以藥薰其耳。令其聾也。[賒死]人謂遲。[正誤]三叔流言四凶構難。今按三叔緩為賒。流言如嗣聖五年琅邪王冲等舉兵匡復之類。四凶構難如嗣聖元年英公李敬業起兵揚州之類。[質實]羅織。景龍元年驩州。注見隋陽帝大業元年。李斯楚人。學於荀子。尤善篆隸。以六國無可建功。

者乃西入秦。秦王政善之。拜客卿。尋為廷尉。極其苛刻。相始皇滅六國。焚書坑儒。天下怨之。及帝崩。與趙高矯詔殺扶蘇。立胡亥。後為高所譖。腰斬咸陽。[陸賈]楚人有口辯。從漢高祖定天下。使南越。拜尉佗為王。稱臣。奉漢約。高祖大悅。拜賈為太中大夫。時稱說詩書著書十二篇。以好時地善。因家焉。[叔孫通]薛人。仕秦為博士。漢高祖時起朝儀。采古禮與秦儀雜就之。始用於長樂宮。自諸侯王以下莫不震肅。帝曰吾今日乃知為皇帝之貴。拜通為太常卿。賜金五百斤。徙太子太傅。[刑名]注見漢景帝元年。

九月周更以九月為社。○冬十月周遣兵擊吐



蕃取四鎮

初王孝傑從劉審禮擊吐蕃與審禮皆沒於吐蕃後竟得歸由是知吐蕃虛實會西州都督唐休璟請復取龜茲于闐疎勒碎葉四鎮敕以孝傑及阿史那忠節將兵擊破吐蕃復取四鎮置安西都護

質實

西州注見齊明帝建武四年高昌於龜茲發兵戍之

周武氏殺豫王妃劉氏

戶婢團兒為太后所寵信有憾於皇嗣乃譖皇嗣妃劉氏及德妃竇氏為厭呪太后殺之瘞於宮中莫知所在德妃父孝謹為潤州刺史有奴妄為妖異以恐妃母龐氏因請夜祠

滿腔惻隱聞者動心

禱而發其事監察御史薛季昶按之以為當斬其子希城詣侍御史徐有功訟冤有功論之以為無罪季昶奏有功阿黨惡逆罪當絞令史以白有功有功歎曰豈我獨死諸人永不死邪既食掩扉熟寢太后召有功謂曰卿比按獄失出何多對曰失出人臣之少過好生聖人之大德太后默然由是龐氏得減死有功亦除名

集覽

厭呪厭上聲禳也又音益涉反鎮也呪詛也失出失於出人之罪

書法

豫王妃何武氏之婦也革命以來所殺恒書周殺殺婦耳斥武氏何武氏殺人多矣自張虔勗格輔元岑長倩歐陽通李安靜輩皆托罪而公殺之故書周妃

死宮中莫知所瘞獨斥武氏者罪不繫於周來也其旨深矣

周制宰相撰時政記月送史館

時政記自此始從姚壽之請也胡氏曰唐制宰相修史固非善法然記注之官不廢則猶可考實今直使宰相撰時政記月送史館則偽美而易惡假善而益非實事不必書書事不必實而不復可信矣况武后行事污穢冊牘姚壽為之隱掩故建是議耳然世未嘗無公道亦未嘗無能言之士一時之史雖不記天下人固記之矣不力為善而惟人是防將見不可勝防而終莫之禦也

集覽

記注兼書善惡之史冊污穢污烏故反穢也穢

莫結反
塗染也
質實
姚壽京兆萬年人

書法

特筆也書曰送史館則史官所記一受成於宰相矣是得為信史乎書譏之也此書撰時政記憲書撰日曆同一轍矣

癸巳十年 春正月帝在房州○周以婁

師德同平章事

師德寬厚清慎犯而不投與李昭德俱入朝師德體肥行緩昭德罵曰田舍夫師德徐笑曰師德不為田舍夫誰當為之其弟除代州刺史將行師德謂曰吾兄弟榮寵過盛人所

進

疾也。將何以自免。弟曰：自今雖有人唾某面，某拭之而已。庶不為兄憂。師德愀然曰：此所以為吾憂也。人唾汝面，怒汝也。而汝拭之，則逆其意而重其怒矣。夫唾不拭，自乾，當笑而受之。

集覽

愀然，愀，七小反，容色變也。禮記曰：愀然作色。

質實

代州注見

秦王政三年，鴈門。

周殺其尚方監裴匪躬

匪躬坐私謁皇嗣，腰斬於市。自是公卿以下皆不得見。又有告皇嗣潛有異謀者，太后命來俊臣鞠其左右，左右不勝楚毒，皆欲自誣。太常工人安金藏大呼曰：請剖心以明皇嗣。

丈夫不能此

睿宗之得免安藏金剖心之所留也

不反，即引佩刀自剖其胸，五臟皆出。太后聞之，令舉入宮，使醫內五臟，以桑皮線縫之。傳以藥，經宿始蘇。太后親臨視之，歎曰：吾有子不能自明，使汝至此。即命俊臣停推，睿宗由是得免。

三月周殺其侍御史侯思止

時禁人間錦、思止私蓄之。李昭德按之，杖殺於朝堂。

周以萬國俊為侍御史

或告嶺南流人謀反，太后遣司刑評事萬國俊就按之。國俊至廣州，一朝殺三百餘人，還

通鑑綱目

卷四十一

唐中宗嗣聖十年

三

正編

殺人媚入

奏因言諸道流人亦疑有如此者太后喜擢國俊為侍御史更遣使詣諸道按殺數千人既而頗知其濫制未死者皆釋之國俊等亦相繼貶死

質實 廣州注見秦始皇三

十三年南海

夏五月棗州河溢

質實

棗州注見宋明帝太始三年樂陵

流二千餘家

秋九月朔日食

質實

日食注見新莽天鳳元年

○周武氏自

號金輪聖神皇帝

作七寶金輪置之殿庭

發明

綱目褒貶予奪立法甚嚴固非他史之比至於亂世之事亦不盡畧如王莽之紛紜制作武氏之淫名越號皆書于冊一以見紀實之意一以著姦偽之迹也

突厥可汗骨篤祿死

子幼弟默啜立

甲午十一年

周武氏延 元年

春正月帝在房州○周以

婁師德為河源等軍檢校營田大使○三月周

以僧懷義為朔方道大總管討默啜

考異 討當作擊

考證

討當作擊

質實

朔方道注見漢武帝元朔元年

懷義未行虜退而止長史李昭德嘗與懷義議事失其旨懷義撻之

書法

書討何重辭也於是命領十八將軍以蘇李二相為之長史司馬事任重矣而以一僧總之果其人乎綱目重其辭所以病太后也

夏五月周武氏加越古之號

書法

凡加號不書所號恒也此其書何譏非名也前書金輪此書越古後書慈

氏書天冊皆譏其非名也

○秋八月周以杜景儉同平章事

太后出梨花一枝以示宰相宰相皆以為瑞杜景儉獨曰今草木黃落而此更發榮陰陽不時咎在臣等因拜謝太后曰卿真宰相也胡氏曰卉木有小華於秋冬之交者非瑞也亦非異也景儉失之矣必以梨不應花而花為陰陽失時孰與婦人不應帝而帝之為天地易位乎幸能正言曷若盡言而淺言之姑以盜世俗之小名何足稱也 **集覽** 卉卉許貴反草木之總名也許出車篇卉木萋萋

周鑄天樞

武三思請鑄銅鐵為天樞刻太后功德立於端門之外銅鐵不足賦民間農器以足之

集覽 天樞其制若柱高一百五尺鐵山為之趾周百七十尺每二丈無慮用銅鐵二

百萬斤

九月朔日食○周貶來俊臣為同州參軍流王

弘義於瓊州

質實

同州注見玄宗開元十一年瓊州注見漢武帝元鼎六年

崖珠

弘義詐稱追還至漢北侍御史胡元禮遇之按驗殺之

集覽

漢北漢水之北注見

漢獻帝建安十二年

周貶其內史李昭德為南賓尉

昭德恃太后委遇頗專權使氣人多疾之前魯王參軍丘愔上疏攻之曰陛下委任昭德而昭德揚露專擅顯示於人歸美引愆義不如此權重一去收之極難太后由是惡之貶

為南賓尉 **質實** 一統志云南賓隋之縣名屬欽州本漢合浦郡地唐初因之後改為

靈山縣宋初廢遵化欽江內亭三縣入焉後徙欽州治此元徙州治安遠縣以靈山屬焉

本朝因之改屬廉州府

書法 自書南昌尉梅福是後未有書者至是復見終綱目書尉十四多貶逐者

也李昭德南賓吉頊安固魏元忠高要

務川孫子平都城王同慶顧王昱高要

陸桂嶺薛邕連山羊士諤臨化楊憑臨賀

丁柔立南陽唯南昌尉梅福以上書書華

陽尉張士喬以諫死書

冬十一月周武氏加慈氏之號○周明堂火

太后命懷義作天堂日役萬人費以億計府藏為空懷義所度力士為僧者滿千人侍御

史周矩疑有姦謀固請按之太后命流其黨懷義不問又命殺牛取血畫大像首高二百

尺云懷義刺膝血為之張於天津橋南侍御醫沈南璆亦得幸於太后懷義心愠乃密燒

天堂延及明堂皆盡風裂血像為數百段太后諱之但云工徒誤燒麻主所致時方酺宴

拾遺劉承慶請輟朝停酺以答天譴太后將從之姚璿曰明堂布政之所非宗廟也不應

自貶損乃止命更造明堂天堂仍以懷義充使又鑄銅為九州鼎及十二神皆高一丈各

置其方懷義內不自安言多不順太后陰使人歐殺之以明堂火制求直言劉承慶上疏

請罷所營佛舍獲嘉主簿劉知幾表陳四事曰今六合清晏而赦令不息近或一年再降

使無頭不仁之輩指期天澤至罪將斷決竊行貨賄求致稽延咸冀釋免為善者不預恩光作惡者獨承徼幸一也海內具僚每歲逢赦必賜階勳至於緋服眾於青衣象板多於木笏二也取士太廣宜加沙汰三也牧伯遷代太速既懷苟且之謀何暇循良之政四也是時官爵易得而法網嚴峻故人競為趨進而多陷刑戮知幾乃著思慎賦以刺時見志焉

集覽

瓊渠幽反獲嘉縣名注見隋恭帝侗皇泰二年

正誤

麻主集覽無註

○今按太后作明堂既成命僧懷義作夾紵大像其小指中猶容十數人於明堂北構天堂以貯之胡三省註紵直呂反隸屬今人謂之紵麻夾紵者以貯麻夾縫為大所謂麻也

質實

天津橋注見隋煬帝大業十二年劉知幾彭城人藏器之子六合注

乙未十二年

周武氏天冊

春正月帝在房州○二

月朔日食○夏四月周天樞成

高一百五尺徑十二尺武三思為文太后自書其傍曰大周萬國頌德天樞

書法

書鑄書成譏勞民也於是賦銅鐵不足取農罷足之凡書作書成久辭也

秋七月吐蕃寇臨洮周遣兵討之

考異

討當作擊

證 計當 作擊 **質實** 臨洮郡名注見高祖武德六年洮州

書法 吐蕃前再書擊兵端自我也於是入寇故以討書之

○九月周武氏自號天冊金輪大聖皇帝○冬

十月突厥默啜遣使請降

書法 不書周何不以周故書請也

○十一月周武氏封嵩山禪少室 **集覽** 封嵩山中嶽嵩

高山在潁川陽城縣禹貢為外方蔡氏書傳曰地志潁川嵩高山古文以為外方山

在今西京登封縣括地志云嵩高山一名太室山在陽城西北二十三里封注見秦始皇二十八年禪少室括地志云潁川陽城縣嵩高之東為太室山西為少室山山有石室故名焉禪注見秦始皇一統志云嵩山在河南府登封二十八年 **質實** 縣北一十里五嶽之中嶽也其山三尖峯東曰太室西曰少室嵩其總名謂之室者以其下各有石室中嶽居四方之中而高故名嵩高山詩曰嵩高維嶽是也上有中嶽廟漢武帝至中嶽獲駁鹿見夏后啟母石翼日親登嵩高吏卒咸聞呼萬歲者三乃令祠官加贈太室祠置奉邑名曰嵩高唐武后改山為神嶽少室山名注同見上

書法 書譏也封泰山非也高宗乾封元年封嵩山益非也是年其後又有請封

西嶽者矣宗天寶九載


○周安平王武攸緒棄官隱嵩山

千牛衛將軍安平王武攸緒少有志行恬澹寡欲求棄官隱於嵩山之陽太后疑其詐許之以觀其所為攸緒遂優游巖壑冬居茅椒夏居石室太后所賜服器皆置不用買田使奴耕種與民無異胡氏曰武攸緒舍爵辭官安於巖壑而使后不之疑其智足嘉矣武氏量雖非宏而識闊達覘其所為無偽飾者遂以取信由是論之當時奇才高識不能自晦

而立乎其朝者深可惜矣夫下惠伯夷雖俱稱百世之師然自附於展禽而失之則將有偷合苟容之行自附於伯夷而不至猶不失為守道潔身之人然下惠亦豈易為邪直道事人不以三公易其介夫豈苟於一官而求容悅於其君乎

集覽 茅椒茅山之椒

也廣韻注椒山巔也楚辭菊流芳於山椒又漢書釋輿馬於山椒並注山頂曰椒椒通作嶠自附於展禽附比附也展禽即柳下惠春秋魯公於展氏也名喜字禽柳下食邑謚曰惠仕僖公為士師三黜不去孟子曰柳下惠不羞汚君不卑小官此文所謂將有偷合苟容之行也自附於伯夷伯夷殷紂時孤竹君之長子父欲立幼子叔齊及父卒叔齊讓



伯夷伯夷曰父命也遂逃去叔齊亦逃國人立其中子於是夷齊聞西伯善養老盍往歸焉及至西伯卒武王載木主號為文王東伐紂夷齊叩馬諫曰父死不葬爰及干戈可謂孝乎以臣弑君可謂仁乎武王已平殷亂夷齊耻之義不食周粟隱於首陽山采薇而食之及餓且死作歌其辭曰登彼西山兮采其薇矣以暴易暴兮不知其非矣神農虞夏忽焉没兮我安適歸矣于嗟徂兮命之衰矣遂餓死焉此文所謂不失為守道潔身之人也

不以三公易其介注

正誤

茅椒今按茅山在江東句容縣

見梁武帝太清二年界武攸緒隱于嵩山何緣冬居茅山胡三省通鑑註茅椒編之為室性暖可以禦寒

質

實 千牛衛注見隋煬帝大業十三年安平縣名注見漢後主景耀二年

書法

書隱何美之也諸武方為天派而攸緒獨能恬澹遠禍其高人數等矣故

特具官書隱綱目書棄官二武攸緒劉總而書棄官隱者一而已

發明

東漢鄧后臨朝鄧康免官就國綱目猶書而予之况棄官歸隱者乎武攸

緒於是高人一等矣宜乎書法之深予也

丙申十三年

周武氏萬歲

春正月帝在房州○周

遣婁師德等擊吐蕃大敗○周新明堂成

高二百九十四尺方三百尺
規模率小於舊號曰通天宮

夏五月契丹寇營州周遣兵擊之大敗

營州契丹松漠都督李盡忠及其妻兄媽誠
州刺史孫萬榮反破營州獲俘數百囚之地
牢聞大兵將至使守牢雷給之曰吾輩家屬
飢寒不能自存唯俟官軍至即降耳既而契
丹引出其俘餉以糠粥尉勞之曰吾養汝則
無食殺汝又不忍今縱汝去遂釋之俘至幽
州具言其狀諸軍聞之爭欲先入將軍曹仁
師麻仁節等棄步卒將騎兵輕進契丹設伏
橫擊之飛索以縹仁節生獲 **集覽** 使守牢雷
之將卒死填山谷鮮有脫者 **給之雷息**

入反即白霄蠻守地牢之人也契丹使此霄
以下文之語詒誑繫牢之囚云飛索以縹韻

會注縹音縹以索罾物也罾局縣 **質實** 營州
反縮也契丹將李楷固善用縹索 **注見**

晉武帝太康二年契丹東胡種名注見晉安
帝義熙二年一統志云誠州本秦之黔中那

地漢初屬武陵郡武帝時屬牂牁郡唐為溪
峒誠州五代時湖南馬希範有其地後周時

楊正巖以十洞稱徽誠二州宋太平興國中
其酋長楊通蘊內附熙寧中收復元豐中仍

為誠州移治渠陽縣元祐初改渠陽軍尋廢
為寨屬沅州後復置誠州崇寧初改為靖州

隸荆湖北路元陞為靖州路後降為州屬辰
州路 本朝初陞靖州府尋復為州以附郭

永平縣省入直隸湖廣道
幽州注見高祖武德四年

秋九月周免囚奴遣武攸宜將之以伐契丹

陳子昂為總管武攸宜府參謀上疏曰制免天下罪人及募諸色奴充兵討擊契丹此乃捷急之計非天子之兵况當今天下忠臣勇士萬分未用其一契丹小孽假命待誅何勞免罪贖奴損國大體邪

書法

武氏佳兵有之矣未嘗有事契丹也於是入寇營州再執唐帥則釁不在我故以伐書而攸宜竟不敢進非夫甚矣故武懿示復書擊

突厥寇涼州執都督許欽明

時欽明兄欽寂為討擊副使與契丹戰亦被擒虜將圍安東令欽寂說其屬城未下者欽寂謂城中曰狂賊天殃滅在朝夕公但勵兵謹守以全忠節虜殺之其後默啜寇靈州以欽明自隨欽明至城下大呼求美醬梁米及墨意欲城中選良將引精兵夜襲虜營而城中無論**集覽**靈州縣名漢惠帝四年置屬北其意者地郡顏師古曰水中可居者曰洲此縣在河之洲隨水高下未嘗淪沒故名靈州韻會注漢北地後魏武帝置靈州取靈武縣名**質實**涼州注見漢光武建武十年武威名安東鎮名注見漢武帝元封二年

〔靈州〕注見太宗
貞觀二十年

書法

欽明周所命也何以不書周全欽明也凡執善辭也力屈而被執耳欽明執至靈州城下猶作隱語使襲虜營則亦志節之士也綱目不書周不以周之臣累欽明也

吐蕃遣使請和

吐蕃遣使請和親太后遣武衛參軍郭元振往察其宜吐蕃將論欽陵請罷安西四鎮戍兵并求分十姓突厥之地元振曰所請如此豈非有兼并之志乎欽陵曰吐蕃苟貪土地

欲為邊患則東侵甘涼豈肯親利於萬里之外邪乃遣使者隨元振入請之朝廷疑未決元振以為此乃利害之機誠不可輕舉措也今若直拒其善意則為邊患必深宜以計緩之使其和望未絕則善矣彼四鎮十姓吐蕃之所甚欲也而青海吐谷渾亦中國之要地也今報之宜曰四鎮十姓之地本無用於中國所以遣兵戍之欲以鎮撫西域分吐蕃之勢使不得併力東侵也今若果無東侵之志當歸我吐谷渾諸部及青海故地則五侯九部亦當以歸吐蕃如此則足以塞欽陵之口而亦未與之絕也若欽陵小有乖違則曲在彼矣且四鎮十姓款附歲久今割而棄之恐傷諸國之心非所以御四夷也太後從之元



振又言吐蕃百姓疲於徭戍早願和親欽陵
 利於統兵不欲歸款若國家歲發和使而欽
 陵常不從命則彼國之人怨欽陵日深望國
 恩日甚斯亦疑間之漸可使其上下猜阻禍
 亂內興矣太后深然之元振名震以字行

集覽 十姓突厥初西突
 厥分其國為十部
 各賜一箭謂之十箭又分左右兩通謂之十
 姓事在太宗貞觀十二年吐谷渾注見晉元
 帝建武元年侯斤突厥部
 酋長之稱也侯渠之反

質實 郭元振魏州
 四鎮注見高宗永淳元年兼并注見德宗貞
 元十年甘涼二州名甘注見晉安帝隆安元
 年張掖涼注見前青海注見高宗儀鳳三年
 吐谷渾西羌種名注見晉元帝建武元年西

域國名注見漢
 哀帝元壽二年

書法

不書周何不以周故書請也終綱目
 書請和四是年唐宗景雲二年代宗

永泰元年憲宗元和四年求和二
 中宗嗣聖十九年玄宗開元九年

冬十月契丹陷冀州周以狄仁傑為魏州刺史

契丹李盡忠死孫萬榮代領其眾突厥默啜
 乘間襲沙漠虜盡忠萬榮妻子而去萬榮收
 合餘眾攻陷冀州又攻瀛州河北震動制起
 狄仁傑為魏州刺史前刺史畏契丹猝至悉
 驅百姓入城繕守備仁傑
 至悉遣還農百姓大悅

質實 沙漠注見漢
 獻帝建安十

五年[冀州]注見秦二世二年信都[瀛州]注見漢帝玄更始二年河間[魏州]注見漢成帝綏

和二年 魏郡

周以姚元崇為夏官侍郎

質實 姚元崇陝州陝石人懿之子

時契丹入寇軍書填委夏官郎中姚元崇剖析如流皆有條理太后奇之擢為夏官侍郎

周以徐有功為殿中侍御史

太后思徐有功用法平恕擢拜左臺殿中侍御史遠近聞者無不相賀宗城潘好禮著論稱有功蹈道依仁固守誠節不以貴賤死生易其操履設客問曰徐公於今誰與為比主

進 姚元崇後名姚元之

進

賢

人曰四海至廣人物至多或匿迹韜光僕不敢誣若所聞見則一人而已當於古人中求之客曰何如張釋之主人曰釋之所行者甚易徐公所行者甚難難易之間優劣見矣張公逢漢文之時天下無事守法而已豈不易哉徐公逢革命之秋屬惟新之運人主有疑於上酷吏恣虐於下而徐公守死善道深相明白幾陷囹圄數掛網羅豈不難哉客曰使為司刑卿乃得展其才矣主人曰吾子徒見徐公用法平允謂可置司刑僕觀其人方寸之地何所不容若其用之何事不可豈直司刑而已哉

集覽

宗城潘好禮古洛州

有宗城縣據唐書潘好禮貝州人按古洛州即今廣平府貝州即今恩州亦隸廣平路疑

宗城卽貝州更當考之
或作鹿城主簿潘好禮

年廣宗張釋之南陽堵陽人以貴爲騎郎十年不得調後拜廷尉惟務持平語曰張釋之爲廷尉天下無冤民景帝時出爲淮南王相

囹圄獄名風俗通云夏曰夏臺商曰羑里周

曰囹圄爾雅云囹領也囹禦也領錄囚徒禁禦也

十一月周殺其箕州刺史劉思禮等三十六家

流其親屬千餘人

明堂尉吉頊以箕州刺史劉思禮謀反告來俊臣使上變告之太后使河內王武懿宗推

之懿宗令思禮廣引朝士許免其死於是思禮引平章事李元素孫元亨等凡三十六家

皆海內名士咸族誅之親舊連坐流竄者千餘人俊臣由是復用而頊亦以此得進懿宗

數鞠獄喜誣陷人時人以爲周來之亞俊臣黨人羅告司刑府史樊基謀反誅之基子訟

寬於朝堂無敢理者乃援刀剗其腹秋官侍郎劉如璿見之竊歎俊臣奏如璿黨惡逆下

獄處以絞刑
集覽尉吉頊尉官名也吉頊其姓名樊基姓名基音渠記

反
質實吉頊洛州河南人箕州注見梁簡文帝大寶元年河內縣名注見周赧王

五十三年絞刑事物紀原云絞縊也古者棄市周禮有磔于甸人之說秦曰磔漢文帝二



年改曰棄市取刑人于市與衆棄之之義隋謂之絞蓋興於周代矣灤州注見玄宗開元二十年

書法

書族誅多矣未有多於此者書三十六家甚武氏也

周以張昌宗為散騎常侍張易之為司衛少卿

昌宗易之年少美姿容太平公主薦之入侍禁中皆得幸於太后常傅朱粉衣錦繡賞賜不可勝紀武承嗣三思懿宗宗楚客晉卿皆候其門庭爭執鞭轡謂張易之為五郎昌宗為六郎禁中注見宋孝武帝太元六年

質實

周以婁師德同平章事。

通鑑綱目

卷四十一

高宗

通鑑綱目卷之四十一

